



السادات في ذكرى عبدالناصر

خمس سنوات من المعاناة



0112481



Bibliotheca Alexandrina

96

Handwritten signature or mark.



في ذكرى عبدالناصر

Annual Organization of the Alexandria Library

Bibliothèque d'Alexandrie

خمس سنوات من المعاناة



●● يجب أن نفهم الماضي لكي نعتز بتجاربه
 لا لكي نرتبط بقيوده وسلاسله ●●

● ● كشف الرئيس أنور السادات في خطابه التاريخي ، في
 الذكرى الخامسة لجمال عبد الناصر ، أحداث سنوات المعاناة
 الخمس التي واجهتها مصر من وفاة عبد الناصر ،
 تحققت للامة الحرة والديمقراطية والامن
 والحب ، وحققت قوائنا المسلحة مجد أكتوبر ..
 ● ● وقال السادات ان مسئوليتنا اليوم ألا نحارب معارك الاسم
 لا داخليا ولا عربيا ، بل يجب أن نشمر عن سواعدنا لنواجه
 معارك الغد ، بيزيد من البناء ، بيزيد من الحب والتراحم والمودة
 ● ● وقال السادات ان عبد الناصر لم يحاول قط أن يقيم بناء
 جامدا اسمه الناصرية . القول بالناصرية او الساداتية
 هو حكم شخص وليس حكما موضوعيا .
 انها ثورة ٢٣ يوليو . انها التجربة الوطنية المصرية .
 ● ● ومناقشة شخص عبد الناصر بالتقديس أو بالتجريح هي
 اساءة لعبد الناصر . كان عبد الناصر انسانا . وكان بشرا .
 ولا يقلل من شأنه ان كانت له اخطاء كما كانت له حسنات .
 وانه كانت له اهداف حققها واهداف لم يحققها ..
 ● ● وقال الرئيس السادات : ان التيارات والمنظمات التي
 انفقت حياتها في معاربة عبد الناصر ، هي التي
 تتاجر اليوم بترائه لكي تهاجم مصر ..
 ● ● وقد اضطر جمال عبد الناصر أن يقبل مبادرة روجرز وهو
 على مائدة المباحثات في موسكو مع الزعماء السوفييت ، بعد
 أن يش من موقف الاتحاد السوفيتي .. ومع ذلك
 فان الاتحاد السوفيتي يرتدى الآن قميص عبد الناصر !
 ● ● قال السادات ان المسيرة تكتمل اليوم بأروع صورة . ويكفي
 ان شعب مصر ترك نزعة الحقد والكراهية ..

□ أكبر تكريم لعبد الناصر هو أن تتطور الثورة ،
وتنضج وتصح مسارها .

□ أية شخصية عملاقة مثل جمال عبد الناصر .. لها
الصداقات العميقة والخصومات الحادة .

□ المنظمات والسيارات التي أنفقت حياتها في محاربة
عبد الناصر تحاول اليوم أن تجعل من تراشه
تجارة يتذرعون بها للهجوم على مصر .

□ المسألة ليست ناصرية أو ساداتية .. ولكنها ثورة
٢٣ يوليو أو التجربة الوطنية المصرية .

□ كان عبد الناصر إنسانا ، وكان بشرا .. ولا يقلل
من شأنه أن نقول إنه كانت له عسرات ..
وكانت له أخطاء .

□ لو كانت مصر قبل ٢٣ يوليو رافلة في النعيم
كما يزعمون .. ففيم إذن كانت الثورة .. ؟

□ كان أقصى ما وصل إليه عهد الأحزاب هو معاهدة ٣٦
التي أسموها معاهدة الشرف والاستقلال، والتي
أبقت الجيش الإنجليزي في قلب القاهرة .

□ ظل الإنجليز والقصر يحكمون في كل شؤون البلاد
حتى قيام الثورة .

□ رفضت الأحزاب كلها أي مشروع معتدك
للإصلاح الزراعي .

□ اعتذر سفير إنجلترا عن مقابلة رئيس وزراء
مصر، وسقطت الوزارة .

□ القصر غير الوزارة مقابل نصف مليون جنيه .

□ عاشت البلاد أكثر عمرها في ظل الأنظمة العرفية
والرقابة على الصحف .



باسم الله

كل سنة وأتم طيبين ..

❏ في الواقع وأنا أعد نفسي للقائكم بوصفكم أعلى القيادات في الدولة ، اللجنة المركزية ومجلس الشعب ، السلطة التنفيذية كلها ، في الواقع كنت في حيرة لاني لدى الكثير مما أريد أن أضمه أمامكم خصوصا ، وانه تم منذ شهور قليلة ، تمت اعادة انتخابات الاتحاد الاشتراكي من القاعدة الى القمة الى اللجنة المركزية ، ومن حق اللجنة المركزية ، مع مجلس الشعب أن أضع أمامهم تقريرا كاملا عن الفترة الماضية .. حين أقول الفترة الماضية أقصد السنوات الخمس التي تلت وفاة عبد الناصر والتي نجتمع اليوم في نهايتها لكي نحى ذكرى عبد الناصر ..

ومن ناحية أخرى .. كنت أريد أن يكون هذا الحديث مركزا تركيزا كاملا على عبد الناصر ، فقد آن الاوان فعلا أن نتحدث ، وأن نتحدث بصراحة ..

وأمر ثالث هو ما يحيط بنا من مواقف في هذا العالم الذى
نعيشه سواء كان من القوى الكبرى .. أو فى علمنا العربى ..
أو فى المحيط الدولى كله .. وقضيتنا التى هى فوق كل شئ ،
والتي عاش ومات عبد الناصر من أجلها ..

ووجدتني فى حيرة فعلا .. أن أسلم طريق فى تقديرى أن أبدأ
بسرّد أحداث سنوات خمس مضت منذ أن اتقلّ عبد الناصر الى
جوار ربه حتى هذه اللحظة منذ خمس سنوات ..

ولعل استعراض هذه السنوات الخمس .. لعله يلقى الصوء
على مسيرة ثورتنا التى بدأت فى ٢٣ يوليو سنة ٥٢ بقيادة
عبد الناصر .. فليس هناك من تكريم لعبد الناصر أكثر من أن
تكون الثورة والمسار الذى بدأه تسير وتطور وتوضح وتصحح
مبارها إذا اقتضى الامر .. فقد عشنا أحداثا جساما فى السنوات
الخمس الماضية ..

لهذه الذكرى ، ذكرى عبد الناصر ، بالنسبة لنا جميعا كتعب
.. وبالنسبة لى شخصا كزميل وصديق ورفيق سلاح . خواطر
كثيرة ومشاعر فياضة ..

طبعاً من المألوف فى العالم كله وعبر التاريخ كله ان أى
شخصية عملاقة مثل شخصية عبد الناصر تتصدى للأحداث
بالتغيير .. والتغيير فيه هدم وبناء .. من المألوف أو أى شخص
من هذا النوع توجد دائماً الصداقات العميقة والخصومات الحادة
.. وينفتح بعدها باب الجدل ، السنين وأجيالا ..

ولست أريد أن أحد من المناقشات التي لم تنقطع عن عبد
الناصر وعن الناصرية .. ولكننى أريد ترشيد هذه المناقشات،
حتى تكون ذات فائدة .. ونخرج منها بالعبرة الطحيحة .

فماذا نرى الآن ؟ .. نرى شطحات كثيرة غريبة .. بعضها
ربما كان بريئا .. وبعضها بالتأكيد غير برئ ..

مثلا .. نرى تلك المنظمات والتيارات التي أنفقت حياتها في
محاربة عبد الناصر .. تحاول اليوم أن تجعل من ترائه تجارة
يتذرعون بها للهجوم على مصر .

ونرى أناسا آخرين ، يحاولون إقامة معبد اسمه الناصرية ..
يحيط به التقديس والغموض لكي يقيموا من أنفسهم كهنة لهذا
المعبد ، هم العالمون وحدهم بالاسرار .. وهم المحتكرون
للتفسير .. وهم قضاة الخطأ والصواب .

ولا أقول .. وقد عايش عبد الناصر وزاملته وشاركته أكثر
عمرى وعمره ، أقول لا .. لم يحاول عبد الناصر قط أن يقيم
بناء جامدا اسمه الناصرية .. بل كان يرفض أى قالب كان ..
بل اننى أقول أكثر من ذلك .. ان الذين يقولون اليوم بأن
هناك ناصرية وأن هناك ساداتية مخطئون .. انهم ينطلقون من
أحكام شخصية وليست موضوعية .. وفيهم اليوم من يلعن
الامس .. واذا سنحت الظروف ، فسوف يلعنون غدا اليوم
.. وهكذا ..

في تقديرى أولا .. ان المسألة ليست ناصرية أو ساداتية ..
ولكنها ثورة ٢٣ يوليو .. أن التجربة الوطنية المصرية .. هذه

هي الموضوعات والعناوين التي تناقش .. وكل دارس لتواريخ
الامم ، يعرف أن دور أى فرد مهما كبر فهو ابن التربة التي
أنتهت ، والظروف التي صاحبتة . والشعب الخلاق الذى واكب
مسيرته ..

مناقشة شخص عبد الناصر بالتقدير أو بالتجريح اساءة لعبد
الناصر .. لانه أبدا لم يشأ أن يكون صنما أبدا .. بل كان
نموذجا فى معاشته للواقع ، ومخالطته للحياة ، ومروته فى وجه
المتغيرات .. ليست القضية اذن قضية ناصرية أو سادية ..
ومناقشة الامور على هذا النحو تضل فى متاهات المشاعر أو
الاحقاد الشخصية ، وتجزئ التجربة الوطنية المصرية ..

فى حين اننا حين تناقش ثورة ٢٣ يوليو أو التجربة الوطنية
المصرية ، فاننا نربط بذلك نضال القادة بالجهاهير ، أو الحاكم
بالشعب .. لقد كان عبد الناصر انسانا .. وكان بشرا .. وبالتالي
فلا يقلل من شأنه أن نقول انه كانت له حسنات ، وكانت له
أخطاء .. كانت هناك أهداف حققها ، وأهداف لم يستطع أن
يحققها .. وأنا أيضا لا شك أن لى أخطاء .. فكل من يتصدى
لأعلى المسئوليات فى مثل الظروف الصعبة والبحار المتلاطمة من
التيارات لا يمكن الا أن يخطئ ويصيب ، الا أولئك الذين
يؤمنون السلامة لانفسهم ويحكمون بالتالى على أقدار شعوبهم
بالانكماش والجمود .

حين تكلمت فى أحد خطاباتى السابقة اليكم عن كفاح أحمد
عرابى ومصطفى كامل ومحمد فريد وسعد زغلول ، أبدى البعض

دهشتهم واتهموا ثورة ٢٣ يوليو بأنها حذفت كل هؤلاء من التاريخ وهذا افتراء على ثورة ٢٣ يوليو فالكتب التى تؤلف عن هؤلاء لم تنقطع، وتدرس كفاحهم فى المدارس لم يتوقف، ولكن الفرق انهم قبل الثورة كانوا يدرسون الخديو توفيق مثلاً، الذى استدعى الانجليز هو الوطنى وأن عرابى البطل المصرى الفلاح الاصيل هو المسئول عن الاحتلال .. فلما جاءت الثورة أعادت الامور الى نصابها فى المناهج التعليمية، لم يكن فى حديثى ذلك أى جديد أو غريب على، ولقد قصدت منه أن أعطى درساً لمن يفهم فى ضرورة احترام تاريخنا وتقييمه بموضوعية لا اسراف فيها ولا تقصير، ولا تزويق فيها ولا تشهير .

ولكن .. مرة أخرى انتهز البعض الفرصة وشطحت بهم الميول والافكار فراحوا يجدون فى العهد السابق على الثورة .. ويصورون الامور وكأن عهد ما قبل ٢٣ يوليو كان نعيماً، وما بعد ٢٣ يوليو كان نقمة وعذاباً، وهنا أيضاً أقول بكل صراحة .. لا .. التاريخ مائل أمامنا ولا يمكن خداع الناس فيه .. قبل ٢٣ يوليو .. ماذا كان العهد .. كان عهد الاستعمار والقصر والاقطاع والامتيازات والاقلية .

وبعد ٢٣ يوليو بدأ عهد الحكم المصرى والقيادة المصرية .. والقرارات المصرية .. والاتجاه الى استرداد حقوق الاغلبية المقهورة من شعب مصر .. ولو كانت مصر قبل ٢٣ يوليو رافلة فى النعيم كما يزعمون .. فقيم اذن كانت الثورة ؟ ولماذا خرجت ملايين الشعب من اللحظات الاولى تباركها وتؤيدها .. وتنفس

الصعداء لزوال الكابوس الجاثم عليها ؟ .. اننا حين نذكر لكل عهد ايجابياته وسلبياته .. فليس معنى ذلك خلط الامور أو استغلالها لهذا الغرض ، أو لذلك .

ومرة أخرى فنحن لا تناقش الشخصيات ولكن ظروف النضال الوطني قبل ٣٣ يوليو كانت مختلفة تماما ، وبالتالي كان انجازها ضئيلا جدا .

ماذا وصل اليه عهد الاحزاب القديمة من سنة ١٩ الى سنة ١٩٥٢ ، أى طوال ثلاثة وثلاثين عاما ؟

في القضية الوطنية : كان أقصى ما وصل اليه عهد الاحزاب هو : معاهدة ٣٦ التى أسموها معاهدة الشرف والاستقلال والتى بمقتضاها بقى الجيش الانجليزى فى قلب القاهرة .. بل فى ثكنات قصر النيل مكان هذا المبنى الذى تجتمع فيه الآن كان أقصى أمل للمعاهدة .. احتفاظهم بمنطقة القناة كلها ، والارتباط بحلف عسكرى أبدى مع الانجليز .

وفى مجال القضية الداخلية .. ظل الانجليز والقصر يتحكمون فى كل شئون البلاد .. حتى قيام الثورة كانت السلطة الحقيقية فى دار المندوب السامى أولا .. الى سفارة فى النهاية .. أصبحت السفارة البريطانية .. ولعلنا نذكر قبل قيام الثورة بأسابيع ، اعتذر سفير انجلترا عن مقابلة رئيس وزراء مصر ، وسقطت الوزارة .. قبل قيام الثورة بأيام دفع للقصر نصف مليون جنيه لتغيير الوزارة ، وتم التغيير .. كل دى حقائق ، فى التاريخ موجودة .



في مجال القضية الاجتماعية .. رفضت الاحزاب كلها ، أى مشروع معتدل .. للإصلاح الزراعى .

في مجال التنمية .. انعدم معدل الزيادة في التنمية تقريبا .. وكانت الصناعة محاولات صغيرة فردية مبعثرة .

المشروع الكبير الوحيد ، الذى تصدت له الاحزاب طوال ٣٠ سنة كان التعلية الثانية لخزان اسوان القديم وكهرته .. ومع ذلك لم يتم هذا بسبب الفساد والمضاربات الحزبية .. وهو مالا يبلغ عشر السد العالى وحده .. ومع ذلك تم أيضا كهربة خزان أسوان القديم .

أقول .. لقد انتهت الحياة الحزبية القديمة مع نهاية الحرب
الثانية الى الافلاس في كل مجال .. ومن وقتها .. والى قيسام
الثورة .. اضطرب كل شيء في البلاد .. اضطرب الاقتصاد ،
واضطرب الامن ، اشتركت الحكومة والسلطات في الاغتيالات
كأنها عصابة من العصابات .. انتشر تلفيق القضايا .. انتهكت
حرمة القضاء بتشكيل نيابات اقرأوا عنها أيامها .. عانيت أنا نفسي
وأنا في السجن منها .. المحاكم، مثل محكمة حسين طنطاوي ..
كانت اليد العليا للبوليس السياسى .. امتلأت السجون والمعتقلات
.. عاشت البلاد أكثر عمرها في ظل الاحكام العرفية ، والرقابة
على الصحف، وكان الفساد في أعلى المستويات .. كان هذا - مع
الاسف - هو الوضع ، وكانت هذه الملامح هي التي مرغت كرامة
الوطن في التراب وكانت هي الدافع الاول لقيام ثورة ٢٣ يوليو ..

□ ثورة ٢٣ يوليو كان لها سلبيات ، ومن واقع
المسئولية أمارس النقد الذاتي .

□ كانت هناك انحرافات . وكانت هناك سمجون
ومعتقدات . وكانت هناك إجراءات وتصرفات
لا تبررها الشرعية الثورية .

□ نمت مراكز قوى واستفحلت . وامتدت الإجراءات
الاستثنائية إلى مجالات ما كان يجب أن تمتد إليها

□ الميثاق لم ينفذ كله .. وهادى البعض مركسة لهذا
الميثاق بالنظرية الماركسية .. ولم يكن علينا ماركسيا

□ بيات ٣٠ مارس لم ينفذ على الإطلاق .

□ الهدف السادس من أهداف ثورة ٢٣ يوليو ..
وهو ردّ الحريات السياسية للشعب وإقامة
الديمقراطية السليمة .. لم ينفذ على الإطلاق .

□ ثورة ١٥ مايو .. ثورة كاملة تمت في إطار
ثورة ٢٣ يوليو

□ ثورة ١٥ مايو .. لم تفرض علينا بقوة خارج
الثورة .. ولم تتم بعناصر غريبة عن الثورة.

□ ثورة ١٥ مايو .. لم تكن ثورة مضادة، ولكنها
ثورة من أجل تصحيح مسار الثورة الأم .

□ ثورة ١٥ مايو .. فصل جديد، ولكنها فصل
جديد في كتاب ثورة ٢٣ يوليو .

□ ورقة أكتوبر .. هي الوثيقة الأساسية لثورة
التصحيح والتطوير .

□ ورقة أكتوبر .. حددت لنا مسار العمل الوطني
والأهداف ومراحلها حتى نهاية هذا القرن .



□□ ولكن .. مرة أخرى — وقد وعدت أن أتكلم بتمهية الصراحة — مرة أخرى أقول : ان ثورة ٢٣ يوليو كان لها أيضا سلبيات ، ومن واقع المسؤولية امارس هذا النقد الذاتي وأقول .. نعم .. كانت هناك انحرافات .. وكانت هناك سجون ومعتقلات .. وكما كان لا بد من اجراءات استثنائية تبررها أى ثورة ، الا أن بعض هذه الاجراءات طال أكثر مما يجب ، وامتد الى مجالات ما كان يجب أن يمتد اليها .

كانت هناك اجراءات وتصرفات لا تبررها الشرعية الثورية ، نمت مراكز قوى .. واستفحلت .. أكثر من ذلك .. وأقولها بتمهية الصراحة .. ان الميثاق لم ينفذ كله .. بل أكثر من هذا حاول البعض مركسة هذا الميثاق بالنظرية الماركسية .. مع أن الميثاق ينص صراحة على الفروق الجوهرية بين نظريتنا وبين الماركسية ولكن عندما نشأت مراكز القوى واستفحلت ، وفي غيبة مؤسسات الدولة ، انقلب الميثاق الى نظرية ماركسية ، وعسند

الناصر لم يكن ماركسياً ، وقد قال هذا في الميثاق وقال عن
الفروق الجوهرية بين نظريتنا .. تعالف قوى الشعب الصائل
.. وبين الماركسية ..

يسان ٣٠ مارس .. لم ينفذ على الإطلاق .. ونحن جميعا
شهوة .. وبوجه عام .. فان ذلك الجزء من أهداف الثورة وهو
الهدف السادس من الاهداف الستة التي بدأت بها ثورة ٢٣ يوليو
.. المتعلق برذ الحريات السياسية للشعب واقامة الديمقراطية
السليمة .. أقول ان هذا الجزء لم ينفذ على الإطلاق .. باعترف
بالمسلمات .. كما قلت بالإيجابيات ..

من موقع مشاركتي في قيادة الثورة منذ كانت جنيئا ..
ومسئوليتي الكاملة عن سيرتها منذ خمس سنوات .. امارس
هذا النقد الذاتي وأبجل هذه النواحي من القصور ..

يقودني هذا الى الحديث عن ثورة ١٥ مايو التصحيحية ..
ولعلكم تذكرون انني كنت أصر على استخدام تعبير حركة ١٥
مايو ومنا طويلا ولكن الآن وقد اكتملت ملامحها يمكنني أن أقول
أنها ثورة كاملة ..

ما مفرى ثورة ١٥ مايو ؟ .. انها أولا تجربة فريدة في النقد
الذاتي .. هناك النقد الذاتي الذي يقف عند حدود الكلام فقط
.. ولكن ١٥ مايو كانت نقدا ذاتيا وعليا .. لم أمارسه بالقول ،
ولكنني مارسته بالفعل .. مارسته بالتصدي لوجه النقص



لتكسيها .. والتصدى لآوجه الانحراف بتصحيحها .. وهذا وحده هو الاسلوب الجدير باسم النقد الذاتى .
الامر الثانى .. هو ان النقد الذاتى العلمى - أى هذه الثورة التصحيحية - تمت فى اطار ثورة ٢٣ يوليو .. فهى لم تفرض علينا قوة خارج الثورة .. ولم تتم بضغط من عناصر غريبة عن الثورة .. أى انها لم تكن ثورة مضادة .. ولكنها ثورة من أجل تصحيح مسار الثورة الام .. ومن أجل اعادتها الى منابها الاولى وتطورها مع تطور الدنيا وتغير الظروف الداخلية والخارجية خلال ٢٠ سنة ..

ان ثورة ١٥ مايو فصل جديد ولكنها فصل جديد فى كتاب ٢٣ يولية ذاته .. ولم يكن التصحيح بالسلب فقط أى بتقويم

الانحرافات وازالة التراكمات الضارة وانما كان تصحيحا بالمعنى
الايجابى أيضا • أى بمعنى الاضافة والتجديد والتطوير •

وثائق الثورة من البيان الاول بالمبادئ الستة الى الميثاق الى
بيان ٣٠ مارس اضيفت اليها وثيقة هامة هى الوثيقة الاساسية
لثورة التصحيح والتطوير ، تلك هى ورقة اكتوبر •

ان هناك ورقة تطوير الاتحاد الاشتراكى والبيانات الاساسية
التي ادليت بها أمامكم أو أمام المؤتمر القومى للاتحاد الاشتراكى •

هذا عن الوثائق والخطط التى حددت لنا مسار العمل الوطنى
وحددت لنا أهدافه ومراحله ، من هنا حتى نهاية القرن كما هو
وارد فى ورقة اكتوبر ..

□ إنني أضع أمامكم تقريراً كاملاً عن أحداث
وارتجانات خمس سنوات من المعاناة .

□ بعد وفاة عبدالناصر مباشرة .. كانت البلد ممزقة
وكل واحد من مراكز القوى كان يريد أن
ينال نصيباً من التركة .

□ كان أمامي هدفان .. إزالة الحقد المستشري
في البلد ، بإزالة الصراعات ومراكز القوى ،
وتصحيح مسار الثورة .. وفي نفس الوقت
الاستعداد للمعركة .. ومن هنا كانت المعاناة

□ لم يرسل السوفييت ما وعدوا به من أسلحة .
فاتجه عبدالناصر في أول مايو ١٩٧٠ بخطاب
إلى الرئيس نيكسون وأمريكا .

□ أمريكا هي الطرف الرئيسي في الصراع .. ومن
يتجاهل هذه الحقيقة .. يتجاهل شيئاً أساسياً
في حقيقة الصراع .

□ جاءت مبادرة روجرز تنص على الانسحاب
وعلى إيقاف إطلاق النار ٩٠ يوماً .

□ عاد عبدالناصر من موسكو بعد رحلة استمرت ٢٠ يوما ، ليقول لى ان مساعدة السوفييت لنا أصبحت هائلة . ميؤسا منها تماما .

□ اضطر عبدالناصر أن يعلن قبوله لمبادرة روجرز وهو على مائدة المباحثات مع الزعماء السوفييت

□ جريح اخواننا الفلسطينيين عبدالناصر .. ومصر .. بمنتهى الشراسة .. كما يتكرر منهم الآن .

□ أهلكى هذا الظلام .. لأن الاتحاد السوفييتى يلبس الآن قميص عبدالناصر .

□ كثيرون يلبسون اليوم قميص عبدالناصر .. مثل حزب البعث فى سوريا وفى العراق .. وما ها جموا به عبدالناصر فى حياته سجل ومعروف

□ مات عبدالناصر وتوليت المسؤلية فى هذا الجؤ المحموم من جانب من يهاجمونا .. ومن جانب أمريكا وإسرائيل بعد أن أسقطوا مبادرة روجرز .



■ ■ ■ فماذا عن الجانب العملى والممارسة في أرض الواقع ؟

لعلكم قرأتم أخيرا ذكريات عن ذلك اليوم منذ خمس سنوات يوم ٢٨ سبتمبر سنة ٧٠ يوم أن انتقل عبد الناصر الى جوار ربه . ولم أستطع أن أنشر كل شئ .. فهناك أمور كثيرة تحكمنى :

أولها أساسا .. هو المصلحة العليا للوطن لم أستطع أن أتحدث في هذه الذكريات التى قرأتموها لم أستطع أن أضع كل ما سجلته للمطبعة لكى يطبع .

وأنا التقى بكم اليوم كأعلى قيادات في هذا البلد في مؤتمر ، أحمد الله أفتنى أستطيع ، وبعد مرور السنوات الخمس .. سنوات المعاناة هذه أن أضع أمامكم تقريرا كاملا كما بدأت في حديثى .

لكلم تعلمون ماذا كانت عليه الاوضاع عقب وفاة عبد الناصر مباشرة . كانت البلد ممزقة ، والصراعات ، والخلافات ، ومراكز القوى ، وكل واحد منهم يريد أن ينال نصيبا من التركة .. وحين

أقول بعانة ، فأننى أعنى فى المقام الاول ؛ اننى حانيت من الحق
 الذى استشرى فى البلد .. الحق والتفكك ، تفكك العائلة
 المصرية .. البعض حاقدا ، البعض الآخر مجروح ، والبعض
 الآخر تائه .. وفوق كل هذا أماننا اسرائيل على الضفة الشرقية
 لقناة السويس .. ولم يكن من سبيل أمانى لكى أبدأ ، الا أن
 أضع هدفين أساسيين :

الهدف الاول .. هو ازالة هذا الحق المستشرى فى البلد ،
 بإزالة الصراعات ومراكز القوى كلها .. وتصحيح مسار الثورة
 .. وفى نفس الوقت كان على أن تكون عيني دائما على أرضنا
 المحتلة ، وعلى قواتنا المسلحة ، وعلى المعركة المقبلة .. من هنا
 كانت المعاناة ..

ويهنئ هنا ، علشان أربط التاريخ .. تاريخنا فى حلقات
 متكاملة ، يهنئ لازم أرجع لسنة ٧٠ ، علشان زى ما قلت قبل
 كلمه فى خطاب من خطاباتي : تاريخنا عبارة عن سلسلة .. حلقات
 تكمل بعضها البعض .. ليست مقطعة والا فانا وأجيالنا المقبلة
 سنواجه آلام ، ونواجه متاعب شديدة اذا لم نعرف تاريخنا واذا
 لم يكن تاريخنا فعلا متصل الحلقات .. أعود الى سنة ٧٠ فى أول
 العام .. كما قرأتم سافر عبد الناصر الله يرحمه للاتحاد السوفيتى
 فى أول يناير ٧٠ بعد ضرب أبو زعبل واتفق على تزويدنا بصواريخ
 سام ٣ واتفق أيضا على أن تأتى أطقم سوفيتية تدير هذه
 الصواريخ الى أن تنتهى الاطقم المصرية من التدريب على تشغيل
 هذه الصواريخ ، وكان مقدر أن الاطقم المصرية بتاعتنا تنتهى من
 تدريبها فى أغسطس ٧٠

كلنا نذكر أن إسرائيل بحادث أبو زعبل كانت داخلة على عتق الجمهورية .. ضربت أبو زعبل .. ضربت معسكر دهشور على بعد ربع ساعة من القاهرة .. وقالوا احنا ضربنا دهشور على بعد ربع ساعة من القاهرة .. سماء مصر مفتوحة أمامنا .. كان لابد أن نعمل بالصواريخ الجديدة لان الاتحاد السوفيتي مكاشش بيدنا الا صاروخين سام واحد وسام اثنين ودول ما ياتروش على الارتفاعات الواطية .. دول للارتفاعات العالية بس .. من هنا جه حرص عبد الناصر على أنه في فترة الفراغ اللى ما بين استلامنا للصواريخ في فبراير ومارس سنة ٧٠ الى أن تنتهى الاطقم المصرية بتاعتنا من التدريب عليها في أغسطس ٧٠

في هذه الفترة من فبراير ومارس الى أغسطس تأتى أطقم سوفيتية علشان تشغل هذه الصواريخ .. وبت فعلا الاطقم السوفيتية مع الصواريخ وزى ما حكيت لكم في خطايبى الماضى عاد عبد الناصر وهو سعيد جدا ، لان الاتحاد السوفيتي مش بس وافق على صاروخ سام ٣ .. بل وافق أيضا على مطلبين آخرين كانوا لنا .. يمثل أحدهما ، وأنا حكيت عنه ، الحرب الالكترونية .. ويمثل الآخر سلاح للردع .. وده اللى كان دائما محور خلافتنا مع الاتحاد السوفيتي من وقت عبد الناصر لغاية أنا ما توليت الى أن أنهيت وجود الخبراء السوفيت سنة ٧٢ .. جه عند الناصر .. وصلت الصواريخ .. وصلت الاطقم السوفيتية .. لكن الباقي ما وصلش ..

في أول مايو سنة ٧٠ ، وفي عيد العمال .. وكنا في شبرا الخيمة .. اتجه عبد الناصر في خطبته رسميا وأمام العالم كله

بالخطاب الى الرئيس نيكسون وأمريكا ، والخطاب موجود
ومسجل - ليه ؟ - فى المشكلة اللي احنا فيها .. أمريكا طرف
رئيسى أن ما كاتتش هى الطرف الرئيسى فهى طرف رئيسى ..
هى اللي بتعطى اسرائيل زى ما قلت أنا : ابتداء من الزبدة
والعيش الى المدفع والدبابة والطائرة .. وهى اللي وافقت سنة
٦٧ بإشارة .. بالنور الاخضر .. للهجوم على مصر .. ومن
يتجاهل هذه الحقيقة .. يتجاهل شىء أساسى فى حقيقة الصراع
اللى احنا عايشينه النهاردة .. اتجه عبد الناصر بالخطاب الى
نيكسون وطلب أن أمريكا تحدد موقفها سلبا أو ايجابا .. انها
تقول حتى اذا كانت مش قادرة تعمل حاجة ، تقول .. تعلن .

وجات مبادرة روجرز .. بعد هذا الخطاب بشهر طلع
ما يسمى بمبادرة روجرز من أمريكا - المبادرة كان فيها شيئين
أساسيين :

الامر الاول .. هو الانسحاب ..

والامر الثانى هو ايقاف اطلاق النار لمدة ٩٠ يوم .. فى ذلك
الوقت وبدءا من سنة ٦٩-٦٨ مش ٧٠ بدءا من ٦٩ واحنا فى حرب
استنزاف .. استمرت طول ٦٩

فى يوليو ٦٩ أدخلت اسرائيل سلاح الطيران الاسرائيلى كعنصر
من عناصر الضرب والرد والردع بالنسبة لنا اللي تطور بعد كده

فى أوائل ٧٠ زى ما حكيت لكم انه دخل على العمق فى أبو
زعل وكان داخل الى عمق الجمهورية لغاية اسكندرية . المبادرة
كان فيها شيئين اثنين : الانسحاب ووقف اطلاق النار لمدة ٩٠

يوما .. ثلاثة أشهر .. فى هذه الاثناء .. أنا قلت لكم عبد
الناصر سافر فى أوائل ٧٠ فى أواخر يناير وجه فى أوائل فبراير .
مرة أخرى سافر فى هذه السنة نفسها ٧٠ ، سافر فى يونية الى
الاتحاد السوفيتى .. وكانت مبادرة روجرز طلعت وأعلنت
للعالم ومستنية أمريكا ردنا على هذا واحنا مستمرين فى حرب
الاستنزاف . راح عبد الناصر لموسكو تانى مرة فى يونية وقبل
ما يسافر هذه الرحلة أعددنا لها اعداد كامل .

طريقة السوفيت .. أسلوبهم انه لا بد يكون عندهم المسائل
جاهزة علشان يستطيعوا ياخدوا قرار قبل ما يوصل لهم الضيف
اللى رايح لهم .. وكان موجود هنا سفيرهم المرحوم
فينوجرادوف الاول وكان صديق عزيز لمصر ، وكان ، لأول مرة
ياقولها ، طول فترة خدمته منذ ٦٧ الى سنة ٧٠ - اللى توفى
فيها - كان كل يوم اثنين يجينى فى بيتى الساعة حذاشر صباحا
علشان نعيد تقييم الموقف وتفضل الامور واضحة بالنسبة لسا
لانه ما كانش لنا فى هذا الوقت - زى ما كلكم عارفين - الا
الاتحاد السوفيتى وكانت علاقاتنا مقطوعة بأمريكا .. علاقاتنا
منقطعة مع العالم العربى كله ، علاقتنا منقطعة مع غرب أوروبا ..
ما كانش فى الواقع فيه حد نعتمد عليه الا الاتحاد السوفيتى فى
ذلك الحين .

فأنا اتفقت مع عبد الناصر فعلا وجعلنا كل يوم اثنين الساعة
حذاشر بلا موعد ، والكلام ده ثابت عندهم .. عند السوفيت
هنا .. بلا موعد بييجى كل يوم اثنين الساعة حذاشر أسبوعيا

لغاية ما هانت الراجل من سنة ٦٧ لغاية ٧٠ ، يتعهد وينعيد تقييم الموقف ، يتعرف اذا كان فيه مشاكل بيننا ..

اذا كلن فيه اعادة لتقدير مواقف .. أو .. أو .. ينصرف الراجل بعد ساعة أو ساعتين حسب الحال .. وباروح أنا لعبد الناصر ويتعهد تتكلم وتنشوف ايه الدور ..

قبل زيارة عبد الناصر في يونية جهزنا لها لمدة شهر كامل .. وكان التجيز زى ما حكيت لكم أساسه احنا غاوزين الحرب الالكترونية وعايزين سلاح الردع .. وعدوه .. في يناير نفذوا يوم ٣ والألطم السوفيتية لكن ماجتش بقية الوعود .. فجهزنا وقعدنا شهر كامل وحتى قبل ما يسافر عبد الناصر وأنا بالتكلم ولما قلت له أنا في تقديري الدور ده لا بد كل شىء حيتتهى فعلا لانه كل شىء جاهز عند القادة السوفيت قبلها بشهر .. وكل شىء واضح تمام ..

يسافر عبد الناصر .. ماردش على الامريكان في مبادرة روجرز وسافر .. وراح قعد معاهم .. وفي أثناء سفره كنت أنا رئيس اللجنة السياسية في اللجنة المركزية للاتحاد الاشتراكي .. جمعت اللجنة السياسية وبعد دراسة كاملة لمشروع روجرز فرنا بالأجماع توصية برفض هذا المشروع .. ومسجل هذا الكلام .. وبعد الناصر كان في موسكو وقت ما اجتمعنا احنا لانه في هذه الرحلة قعد أكثر من عشرين يوما وزجع عبد الناصر وشفتيه مشال .. صحته طيبة ممتازة .. دخل مصحة هناك .. أنا انصرف ذهني طبعا الى انه دائما معنوياته كانت تبقى عالية لما

يبقى حاسس ان طلباتنا بتجانب لان المعركة مافيش مفر منها ..
وكان كل جهدنا وعملنا وتركيزنا فى المعركة .

صحيا كان ممتازا . لكن نفسيا بعد ما وصل مباشرة فى نفس
اليوم وأنا بأوصله للبيت وبأسأله قال لى : للاسف حالة ميوس
منها تماما .. ليه ده احنا مجهزين للرحلة من قبلها بشهرين وكل
شئ عندهم هناك ؟

فقال لى : والله يعنى وحدة من اثنين - ده بنص كلامه الله
يرحمه - اما انهم هذه المعلومات اللى انت من شهر حكيت لى
عنها ورتبتها واديتنى تقرير كامل ووصلتها لهم انت والسفير
السوفيتى جهزتوا كل شئ . وأنا مسافر وفاهم ان كل شئ جاهز
على القرار ولا بد خدوه هناك لانهم خدوا وقتهم كفاية .. قال
لى وحدة من اثنين : اما انهم ما وصلتهمش هذه المعلومات كلية
أو أنهم يعتمدوا اهمالها ..

أنا حقيقة صدمت بهذا .. نفسيا كان فى حالة سيئة جدا
.. جدا ..

وقال لى : أنا اضطريت أن أعلن على ترائيزة المفاوضات فى
الكرملين أمام الزعماء السوفيتة الثلاثة قبولى لمبادرة روجرز .
وصل بيه لانه شايقت زى ما قال واحدة من الاثنين : يا إما
ما وصلتهمش معلومات خالص .. تبقى أجهزتهم بقه ما اجناش
عارفين ايه اللى فيها . أو وصلتهم ومتجاهلين كل شئ تماما فى
الايام اللى قعدها فى المفاوضات قبل ما يروح للاستشفاء .

فقال لى اضطريت أقبل وأعلنهم على تربيعة المفاوضات فى الكرملىن بقبولى لمبادرة روجرز ، وغضب بريجينيڤ فى أقصى درجات الغضب . وعبد الناصر قال له : مفيش أمامى أبدا ازاء المعاملة اللى أنا شايها منكم الا انى أقبل مبادرة روجرز . . ورجع وعاد .

ولما شرح لى قلت له : ده أنا جمعت اللجنة السياسية فى اللجنة المركزية ومتخذين توصية برفض مبادرة روجرز . . قال لى : آدى واقع الحال . . وآدى واقع الصورة آهه . وأعلن قبوله لمبادرة روجرز فى مصر هنا بعد ما أعلنها لقادة الكرملىن هناك الثلاثة على تربيعة المفاوضات . عبد الناصر ما كانش يوصل لهذا القرار بسهولة أبدا . وخاصة زى ما قلت انه كان خطوطه مقطعة مع الكل . مع أمريكا ، مع غرب أوروبا ، مع العرب ، ناس كثيرين جدا فى العالم ومفيش غير الاتحاد السوفيتى .

مجال المناورة وهو كان مناور . مجال المناورة مفيش قداه ، وده اللى كان مخليه فى حالة نفسية سيئة ، واللى خلاه يتخذ هذا القرار . قامت قيامة العرب علينا زى بالضبط اللى بيجرى النهاردة فى فض الاشتباك الثانى وبأشرس من اللى جرى فى الايام الماضية على عبد الناصر . . بمنتهى الشراسة على عبد الناصر وعلى مصر . . ومش قادر الراجل يحكى . . ليه هو قبل هذا . باحكيها أنا النهاردة . . وباهديها لكل انسان فى العالم العربى . . وباهديها لآخواتنا اللى الاتحاد السوفيتى النهاردة بيرسم لهم الخطط ويحيط لهم ، ويديهم الاخبار ، والمواقف . . قامت قيامة العالم العربى . . مش العالم العربى طبعا كله . .

انما اخواننا الفلسطينيين بالذات كانوا أشرس من الشراسة ، في
الحكاية دى .. وجرحوه .. جرحوا عبد الناصر الله يرحمه ..
وطبعاً الهجوم انصب مش على عبد الناصر .. على عبد الناصر
وعلى مصر .. نفس اللي تكرر أخيراً في عملية فض الاشتباك
الثاني ..

وقبلنا مبادرة روجرز .. وعبد الناصر قال كلمة الانسحاب
لما تيجى بلاش نشتغل عليها ، وتكلم .. ومنضيمش هذه الفرصة
أبداً .. وأى انسحاب على الأرض لا بد تقبله .. أنا باحكي
الكلام ده ليه ؟ .. باحكي الكلام ده لانه النهاردة الاتحاد
السوفيتى من ضمن اللي لابسين قميص عبد الناصر .. ماهو
لبسوه كثير .. اللي كانوا ييشتمو عبد الناصر .. اللي قلت
.. حكيت أنا عنهم هنا .. فى الخطبة .. التنظيمات ، والقيادات
.. حزب البعث اللي فى سوريا وفى العراق وفى كل مكان . دول
يعنى معروف ايه اللي قالوه .. لانه مسجل فى الصحافة
والصحافة موجودة ..

لكن النهاردة .. من ضمن بأه اللي لابسين قميص عبد الناصر
الاتحاد السوفيتى .. بعد عبد الناصر الدنيا راحت .. طبعاً
بخلاف التانيين اللي لهم أغراض فى نفوسهم .واللى حكيت عنهم
أنا هنا .. قبلنا المبادرة .. اليهود فوجئوا بقبولنا المبادرة ..
لانه هم وافقوا عليها على أساس أنه ١٠٠٪ عبد الناصر هايوافق
.. وفعلأ قعد أكثر من شهر ونصف مايردش .. على عادتنا ،
أحنا العرب ، اليهود متعودين .. لا .. لا .. لا .. والافعال

اللى بلوش أساس .. فتورطوا وأعلنوا قبولهم للمبادرة . قام
 جه عبد الناصر وقال أنا قبلت المبادرة .. عندئذ بدأ تحرك جديد
 وهو : ان اليهود عايزين يتخلصوا لان المبادرة فيها كلمة انسحاب
 وهم لما وافقوا وقالوا عبد الناصر بقاله شهر ونص ، وفي موسكو
 مش جينوافق عليها والعالم العربى طبعاً حوالينا ، اخواننا
 المتحمسين والعنترين كلهم قالوا رأيهم و .. و .. و .. اتخموا
 اليهود فيها .. وافقوا .. لما جه عبد الناصر وافق .. أسقط فى
 ايديهم . يعملوا ايه .. طلعوا حكاية ان مصر حركت الصواريخ
 نقضاً لمبادرة روجرز .. الله !! طب دى أرضى .. ده الضفة
 الغربية أرضى .. والضفة الشرقية برضه أرضى .. تحريك
 صواريخ ايه !! .. هما عايزين يخلصوا من كلمة الانسحاب اللى
 عبد الناصر ورطهم فيها بقبول مبادرة روجرز ..

وبدأت مناورات عنيفة . وفى ذلك الوقت كانت طبعاً خطلوطنا
 كلها مقطوعة فى كل اتجاه وخاصة مع أمريكا صاحبة أكبر قسط
 فى هذه المعركة .

أمريكا خدت الدعاية الاسرائيلية ومشيتها .. عبد الناصر
 نقض مبادرة روجرز .. وعليه فالمبادرة انتقضت وفى هذا الجو
 المحسوم .. الى العرب ييشتموا فيه .. والفلسطينيين بالذات
 ييشتموا ويشراسة .. ييشتموا عبد الناصر ومصر .. واللى
 اليهود والامريكان بيرتبوا علشان اسقاط هذه المبادرة مات
 عبد الناصر فى ٢٨ سبتمبر سنة ٧٠ ، وتوليت .. كان على ابنى
 أكمل .. وأنا حكيت الجزء ده ليه ؟ علشان أقول ان العملية



بتكمل بعضها كلها .. العملية حلقات متصلة مع بعضها . البكاء
على عبد الناصر وقميص عبد الناصر النهاردة ، طيب ماهو خط
المسار واحد .. المسار واحد وماشي ويتطبق حسب كل مرحلة
وحسب المتغيرات اللى بتيجي من حولنا فى كل مرحلة ، بل زى
ما هاحكى فى ثورة التصحيح استطعنا ان احنا نقفز قفزة ضخمة
جدا نحو أشياء كثيرة جدا كانت مؤجلة إلى ما بعد ازالة آثار
العدوان ..

توليت فى هذا الجو المحموم من جانب اللى ييهاجمونا ..
من جانب أمريكا واسرائيل علشان اسقاط المبادرة .. وكان
التسعين يوم كانوا ينتهوا فى نوفمبر ٧٠ ، فجيمعت المسؤولين ؛
واتخذنا قرار ان احنا نجدد لتسعين يوم أخرى جديدة وبمتنا

.. كان محمود رياض وقتها وزير الخارجية ، راح الامم المتحدة .. واستطعنا ان احنا نجدد تسعين يوم جديدة ، لكن اتفقنا ان ده آخر وقت نجدد فيه .. خلاص مش حنجدد غير دى .. لان احنا كما قرأتم يمكن جزء وبقية الاجزاء عن الصراعات اللى كانت موجودة فى الفترة بعد وفاة عبد الناصر مسجلها وحاططها لكى تحفظ فى تاريخ هذا البلد .. كانت صراعات رهيبة .. حقيقة - فكان علينا ان احنا نلم أنفسنا قبله داخل البيت .. من أجل هذا اتفقنا ان احنا نأجل .. نمنح تسعين يوم جديدة للمبادرة من نوفمبر ٧٠ تنتهى فى ٤ فبراير ٧١ ، البديل لعدم القبول بمبادرة روجرز أو اسقاطها .. البديل الوحيد هو اننا نبتدى حرب الاستنزاف تانى على طول .. لكنه زى ما قلت فى أغسطس ، لما قبلنا الفقرة الثانية من المبادرة .. وقف اطلاق النار لمدة تسعين يوم .. فعندما تسقط هذه المبادرة وتنتهى لا بد نبدأ على طول حرب الاستنزاف مرة أخرى .

□ بدأت مناورات مراكز القوى .. وكان في تقدريهم
مثل الأمريكان والإنجليز أنني سأبقى بعد
عبد الناصر من ٤ إلى ٦ أسابيع .

□ أرادت مراكز القوى أن تدفعني إلى معركة على
الرغم من أن صواريخ الدفاع عن الصعيد
« نصف مصر » لم تصل من السوفييت .

□ قلت لمراكز القوى .. لن أبدأ حرب استنزاف،
وأضحي بنصف مصر .

□ قمت بأول زيارة للاتحاد السوفييتي في أول
مارس ١٩٧٠ واهتجت على عدم وصول
بطاريات الصواريخ .. وسمح الردع الذي
وعدهوا به عبد الناصر .

□ قلت للسوفييت ليس عندي سلاح أكثر به
على الفائتوم .. وكانت جلسة هامة .

□ استعجلت مراكز القوى الصراع .. وأقلت على صبري
ثم شعراوى جمعة .. وكانت ثورة ١٥ مايو .

□ هاء بود جورني وطلب المعاهدة .. رغم أنهم
رفضوها مع عبدالناصر ومنى مرتين في حياة
عبدالناصر .

□ وعد بود جورني أن تصل الأسماء التي طلبناها
بعد ٤ أيام . ولم يصل أى شئ !

□ فعلوا هذا تماما مع عبدالناصر بعد ٦٧ حتى فقد
أعصابه وطلب من نيتوان يباغهم أنه لا يقبل هذا الأسلوب

□ غدر لوني في عام الحسم .. وكنت طلبت منهم أن يسحبوا
أطقيم سام ٣ ، وقال برجينيفان هذا السحب سيؤثر عليهم عاليا

□ رفض السوفييت إصدار بيان مشترك نفطى به عدم
وفائهم بعهودهم في عام الحسم .

□ كتبت غيظي .. وخطبت في مجالس الشعب ، وخطبت
موقف الاتحاد السوفييتي وهو الذي أهرقني
أمام الشعب .



■ في يناير جمعت اللجنة التنفيذية العليا ، وكان أغلبيتها من اخواننا بتوع مراكز القوى ، وجمعتهم في القيادة في مدينة نصر في العباسية وحطيت الموضوع قدامهم ، وبحضور القائد العام للقوات المسلحة ومدير المخابرات ، وقلت لهم قولوا لى رأيكم واحنا في يناير لان فبراير حسيجي .. ولازم يا اما نجدد هذه المبادرة ، واحنا متفقين ان مافيش تجديد آخر ، أو تسقط هذه المبادرة ، وما يترتب عليها .. وقولوا لى رأيكم ايه .

في هذا الوقت .. كانت المناورات خدت حدها من مراكز القوى ، ويظهر انهم قالوا : يكفي ده بقى .. يكفي المدة اللي أنا قعدتها .. كفاية لغاية يناير .. يتدوا يعملوا علشان أمشي زى ما كان في تقديرهم ، وزى ما كان في تقدير الامريكان والانجليز والكل .. كانوا مديني من ٤ الى ٦ أسابيع بعد عبد الناصر .

ابتدت المناورات واحنا قاعدين في هذا الاجتماع .. كلكم تذكروا لما عملنا حرب .. ابتدينا حرب استنزاف في ٦٨ في سبتمبر وبعدين وقفناها واستأنفناها تاني في ٦٩ و ٧٠

كلكم تذكروا اللي جرى في نجع حمادى لمحول كهرباء المحطة
الكبيرة .. أنا رحت بنفسى شفتها .. وضرب كوبرى قنا -
اللي حصل هناك .. وضرب قناطر نجع حمادى .

منذ ذلك الوقت - كان عبد الناصر موجود - اتفقنا مع
الاتحاد السوفيتى عشان بيعت لنا دفاع صواريخ عن المنشآت
بتاعتنا اللي في الصعيد اللي هي القناطر الثلاثة : أسنا ونجع
حمادى وأسيوط والمواقع الرئيسية ، والكبارى الرئيسية ،
عشان نخط عليها دفاع صواريخ ..

مرة ثانية بارجع .. الكلام ده حصل في أواخر ٦٨ مش
النهاردة .. اللي بالكلمكم بقه فيه دلوقتي في يناير ٧١ ولا جاتش
بطاريات الصواريخ ..

من سبتمبر ٦٨ ليناير ٧١ ولا جاتش لسه بطاريات الصواريخ
ابتدت المناقشة واتضح .. بقى فيه تيار واضح جدا قدامى
مراكز القوى - الجعاعة دول قالوا طيب حنخلص منه ازاى
.. ما نزقه في معركة يضرها .. وتبقى العملية انتهت .. وعلى
ذلك يأخذوا خط التشدد وهو انه فبتدى حرب الاستنزاف في
يوم الجمعة ٥ فبراير بعد ما نخلص ٤ فبراير تنتهى المدة يوم
الجمعة ٥ فبراير فبتدى حرب استنزاف على طول ..

حرب استنزاف .. وهو مدخل الطيران بتاعه من يوليو ٦٩
زى ما قلت لكم كرد على مدفعيتنا لان مدفعيتنا متفوقة عليه ..
ولما تعب راح مدخل الطيران في يوليو ٦٩ بل في ٧٠ دخل على
أبو زعبل وعلى عمق البلد وكان عايز يخش على أعماق الجمهورية
ويقول سماؤكم فاضية مفتوحة قدامى لولا سام ٣ جه ..

وبعدين .. بطاريات الصعيد ماوصلتش .. والصعيد من
رأس محمد اللي هي في شبه جزيرة سيناء ..

في الليالي القمرية انضربت المحطة الكهربائية اللي قلت لكم
عليها في نجع حمادى .. وانضرب كوبرى قنا ، وانضربت قناطر
نجع حمادى .. كل ده بيتم في الليالي القمرية بهليكوبتر من
طويلة المدى بتقوم من رأس محمد لما نبص على الخريطة نبص
نلاقى المسافة بين رأس محمد والمنطقة دى في الصعيد قصيرة
خالص ، ولكن الهليكوبتر دى طويلة المدى فيقتدروا في القصر
ييجوا يروحوا يضربوا اللي هم عايزين يضربوه ويرجعوا ..

لازم يكون عندنا دفاع .. عملنا الدفاع الشعبي .. لكن
الدفاع الشعبي مش كفاية .. دى منشآت قناطر .. ثلاث قناطر
وكوبرى نجع حمادى يفصل محافظتين من الصعيد لو جرى له
حاجة ينفصلوا فهايا عنه .. ما وصلتش بطاريات الصواريخ ؟
لا .. فتبدى حرب الاستنزاف يوم الجمعة على طول ٦ فبراير
.. رفضت ، وقلت لهم .. أنا والله كون مبادرة روجرز نرفضها
وتسقط خلاص ده أمر ماعنديش فيه أى تردد ، لكن انى أبدأ
حرب استنزاف من غير بطارياتى .. والصعيد بتاعى مكشوف
.. وأضحى بالصعيد .. لا .. موش مستجه .. ويقولوا زى
ما يقولوا .. الرأى كل الاغلبية كانت مع بدء حرب الاستنزاف
.. أنهيت الاجتماع ..

جيت في أربعة فبراير وخطبت في مجلس الامة وأعلنت المبادرة
بتاعتى اللي أحمد الله ان اليهود ماقبلوهاش .. لاله احنا كان
لازم لنا معركة فعلا .. وأنا عملت هذه المبادرة وكان مؤداها انه

الى حصل فى المعركة ان اسرائيل تسحب اختيارا وأفتح قناة السويس ويارنج يجى ويتولى فى بحر ٦ أشهر عمل اتفاق واحنا ندى وقف اطلاق نار ٦ أشهر ما دام يارنج شغال ومستعدين نجددها ما دام يارنج شغال •

اليهود فى قمة الغطرسه رفضوها •• وأعلنت أنا فى ٤ فبراير فى هذا اليوم ان احنا خلاص ماحناش ملتزمين بمبادرة روجرز ، سقطت وحاندى شهر من عندنا هو عبارة عن الفترة من ٥ فبراير الى ٧ مارس فرصة للعالم علشان يخش معانا ويشترك • وكل انسان يشيل مسئولياته ••

الهدف كان من وراء ده كله •• اعلان مبادرتى ، ثم اعطاء شهر ، انه بنقول للعالم اتفضلوا •• الى عايز يحل يتفضل ، احنا عايزين نحل بسلام من غير حرب اذا أمكن ذلك •• رفض اليهود وردوا على يارنج رد فى غاية الغطرسه والعروور زى ما كانوا عايشين •• وجه ٧ مارس •• قبلها بقى •• رحت بعت للاتحاد السوفيتى : يا جماعة •• بطاريات الصعيد •• القناطر عندى •• دى القنطرة الواحدة لو انضربت يغرق نص مليون فدان •• أيوه •• جاية فى السكة •• فى السكة •• فى يوم جالى القائد العام ، وقتها كان محمد فوزى ، وقال لى ان المراكب حاتوصل •• واحدة يوم ١٨ فبراير ، وواحدة يوم ٢٣ وأخطرونا رسمى ، قلت كويس •• حاتبقى قبل ٧ مارس ونبقى عندئذ جهازنا نفسنا •• وجهازنا حتى القطارات الللى حاتشيل على طول تودى على الصعيد •• وندافع عن الاهداف الحيوية وعندئذ نبقى أحرار •• ويبقى عندى أنا الحرية انى أبدأ •• وأنا مطمئن

على نص بلدى .. الصعيد .. جه ١٨ فبراير .. ماجاش حاجة
.. جه ٢٢ فبراير .. مافيش حاجة جت خالص ولا اخطار انه
اتأجل ليه ولا اتأخر ليه ولا امتى حايجى تانى .. خالص ..

فجيت أنا فى أول مارس بت لهم فى أواخر فبراير ، وفى يوم
واحد واثنين مارس عملت أول زيارة لى كرئيس جمهورية
للإتحاد السوفيتى سرا .. يوم واحد واثنين مارس ..

يا جماعة .. قعدت مع القادة الثلاثة فى الكرملين .. ليه
كده ؟ اتو عارفين ان آخر ميعاد عندى أنا مديه ٧ مارس ..
والصعيد .. أسيب الصعيد ازاي ؟ البطاريات .. حاضر
حاتوصل .. أتاى كان عندهم مؤتمر الحزب فى ٣١ مارس ..
وهم فى مثل هذه المناسبات يفتكروا الاسلوب اللى الانسان
— ماعدش يقدر يستحمله بقى الحقيقة — يحاول يحط نفسه
قيم على الواحد .. وانه احنا فاهمين ان راسنا سخنة .. فأول
ماحاتوصلنى البطاريات حاروح فاتح النار على طول . حاتتورطوا
.. حاتنضرب احنا .. هم مش عايزين هذا فا مايقولوش لأ ..
لكن .. ما ييعتوش حاجة أبدا .. خدت جلسة يومها .. واحد
واثنين مارس وكان معايا واحد من مراكز القوى الثقال ووزير
الحرية والقائد العام محمد فوزى وسمعوا منى أنا قلت ليه
للقيادة السوفيت فى المحضر . ورجعت جمعت اللجنة العليا هنا
وشرحت لهم وقلت لهم الحكاية ..

كنت باتكلم فى هذا الاجتماع مش بس على بطاريات الصعيد
.. على سلاح الردع اللى متفقين مع عبد الناصر عليه من يناير
٧٠ ولا جاش .. ومات عبد الناصر ولا جاش برضه .. وعقدة

العقد كانت بيننا والاسلوب قلت لهم الاسلوب ده مش يقبله حد
أبدا .. اطلاقا .. ومتخلونيش دايما ورا اسرائيل بعشرة خطوات
.. مع انى أنا مجتدى على .. المفروض انى أكون قدامها بعشرة
.. لكن أنا قابل خلونى وراها بخطوتين مش بعشرة .. وده مش
أسلوب .. وبعدين اسرائيل بكل تبجح بتقول ان ايدها طويلة
اللى تصل بيها الى أى عمق فى الامة العربية ولها حق .. بتوصل
بالفاتوم الى أى عمق عندى .. وما عنديش أنا سلاح واحد
أرد بيه .. أردع بيه وأقول لهم أنا .. للردع فقط .. يعنى مش
حستخدهم الا لما يعتدى على .. ولا حياة لمن تنادى .. كانت
جلسة عنيفة جدا وساخرة جدا .. وجيت أعلنت اللجنة العليا بيها
هنا وحضرها معايا زى ما قلت لكم فوزى القائد العام وقتها
وقطب من أقطاب مراكز القوى .. وجم هنا ، وتفاصيلها حييجى
وقت أقول لكم عليه كله وتعرفوها ان شاء الله .

ورجعت .. وزى عادتهم .. زى ما يعملوا مع عبد الناصر
.. وزى ما يعملوا معايا .. ويعملوا مع كل الزباين اللى
عندهم .. فى آخر الاجتماع علشان يقفلوا المناقشة ويسكتوك
يروحوا مطلعين كشف ويقولوا : وافقت الحكومة السوفيتية
على تزويدكم بالاصناف الآتية .. ويروح قايل الحاجات اللى
هو منقيها .. كذا وكذا وكذا وكذا .. واحد فى وضعنا احنا
ممكن يقول لا لحاجة زى دى ؟ مش ممكن .. نى قوة ..
اضافة جديدة لقوتنا ولسلاحنا بتقبلها .. لكن سجلت عليهم فى
هذا الاجتماع ان أنا أرفض رفضا باتا هذا الاسلوب فى التعامل
.. من أول زيارة رحتها فى ١ و ٢ مارس وأعتقد ان دى كانت
نقطة تحول بينى وما بين الاتحاد السوفيتى ..

ده الخمس سنين .. ده أنا بانط تفاصيل كثير قوى .. ولسه

فى مارس ٧١

مراكز القوى استعجلت الصراع بعد ما رجعت أنا وكنا
ابتدينا تتكلم فى عملية الاتحاد بين مصر وسوريا وليبيا ..
استعجلوا الصراع .. واتتهى بأنى أنا فى أول مايو سنة ٧١
خطبت فى حلوان وكانوا موضحين الاجتماع طبعاً .. وعاملين
حسابهم على فرشته .. وانه يطلع اجتماع غير ناجح .. فوجئوا
بأن الاجتماع تم على أحسن صورة .. الحركات بتاعتهم ،
وكانت واضحة فى التلفزيون أيامها لكل الناس ، مقعدين جيش
بالكامل شايل صورة عبدالناصر وكل شوية يطلعها .. طب وماله
.. أما يطلعوا صورة عبدالناصر .. وماله .. هو ده حيايقنى
فى حاجة ؟ .. ده أنا أول مرة زرت فيها السودان طلع السودان
.. الخرطوم طلعت لى بصور عبد الناصر فقط ، مطلعوشى
بصورى ..

هم عارفين ان ده وفاء منهم لعبد الناصر ولى .. دول اللى
قابلوا عبد الناصر فى أغسطس فى سنة ٦٧ بعد الهزيمة فى مؤتمر
الخرطوم وكتب التايم والنيوزويك - رغما عنها ان شعب
السودان خرج لعبد الناصر المهزوم على أروع صورة ..
شكرتهم .. شكرت شعب السودان وكانت مجاملة لطيفة من
شعب السودان انه يقابلنى أنا بصور عبد الناصر .. الجماعة
فاهمين انه لما حيطلعوا لى الصور حترعجنى .. طب كويس
وماله ..

فى هذه الخطبة فى آخرها فوجئوا باللى أنا قلته بأن أنا مش
مستعد أبدا انى أسمع بصراع ومراكز قوى .. و .. و ..

وما كانوش عارفين هذا الجزء من الخطبة ، ثانى يوم مباشرة
أقلت على صبرى .. يوم ٢ مايو مشيت التحولات .. أصابهم
حمى فى نشاطهم وأنا قاعد مستنى .. لصاية ما رحت القوات
المسلحة فى ١١ و ١٢ مايو .. يوم ١٣ أقلت شعراوى جمعة زعيم
الجماعة دول .. وقلت أما أشوف .. وكلكم عارفين ايه
التطورات اللي حصلت بعد كده .. استقالوا كلهم فى نشرة
الساعة ١١ .. وقتت الاذاعة .. وقلت لهم : طب وباعتين
الاستقالة الساعة ١١ الا دقيقتين ..

قلت للى جايب الاستقالة .. طب ما قلتش من بدرى ليه ؟
علشان أعلن قبولها فى النشرة .. ومنع ذلك أعطيت المكتب خبر
وقلت لهم فى آخر النشرة اعلنوا قبول الاستقالة .. مش مشكلة
يعنى ..

وفعلا ويوم ١٤ كان يوم مجلس الشعب اللي سجله فى
التاريخ لما راح عزل مراكز القوى كلها وعلى رأسهم رئيسه فى
ذلك الوقت .

يوم ١٥ رجعت الامور طبيعية .. وكان لا بد بقة انى آخذ
الخطوة الاولى الجذرية وهى تصحيح مسار الثورة على طول ،
نصبت مراكز القوى كلها .. اللي كانوا فى الحكم ..
فوجئت بخبر جاي لى .. الاتحاد السوفيتى يقولوا بدجورنى
جاي لك رئيس الدولة السوفيتية .. فى مايو بعد ما اتصفوا
الجماعة دول بمفيش حاجة يعنى .. فجانى .. قلت لهم يفضل
مرحبا .. أنا بحريص جدا على علاقتى بالاتحاد السوفيتى ..
وأنا باحكى بالتطوير ده ليه .. أو باحكى الشرح ده ليه ..

أنا عايزكم تعرفوا المرحلة مشيت ازاي الخمس سنين ..
والمعاينة اللي شفتها أنا في الخمس سنين عشان تعرفوا تصور
المسار مشي ازاي .. ويبقى كل واحد منكم مسلح بحقيقة
الموقف كاملة ..

جاني بدجورنى .. وأنا حريص وزى ما قلت لكم .. كنت
باشوف السفير السوفيتى لمدة ثلاث سنوات من ٦٧ إلى ٧٠ كل
يوم اثنى وبتقعد ساعتين تقسيم في الموقف وبنحل جميع المشاكل
لان احنا ملناش غير الاتحاد السوفيتى في ذلك الوقت خالص ..
تتكلم وياه ويساعدنا ويدينا سلاح .. قالوا بدجورنى جاي لك
في مايو .. ييجى .. وفوجئت انه جه أول حاجة يطلبها منى
عاوزين نعمل معاهدة .. طيب ده أنا عبد الناصر بعنى لكم
مرتين باطلب معاهدة .. ورفضتم .. عبد الناصر في آخر رحلة
في يونيو ٧٠ قبل ما يقبل مبادرة روجرز على تراييزة الكرملين
.. قال لهم يا جماعة اذا كنتم عايزين تتطمئنا اعملوا معاهدة
معايا أمضيهها معاكم دلوقتى .. قالوا له لا .. طيب ماتتوش
عايزين معاهدة .. خلوه حلف أمضيه معاكم دلوقتى .. لا ..
برضه .. قال لهم طيب أنا قبلت مبادرة روجرز .. على التراييزة
فوجئت في مايو .. جاي لى يقول لى ، المعاهدة .. قلت له
التوقيت مش سليم .. استنى لما تعاد انتخابات الاتحاد
الاشتراكى كلها ويجتمع المؤتمر القومى في ٢٣ يوليو ٧١ وتعالى
وقدام المؤتمر القومى كله نعمل المعاهدة .. وبعدين .. الحاجة
العربية .. اتم اشمعنى دلوقتى وافقتم على المعاهدة ، مع ان
أنا مرتين أروح لكم ، وعبد الناصر آخر مرة كان عندكم السنة
اللى فاتت في ٧٠ قبل ما يموت بشهرين .. قال لكم معاهدة ،

قلت لأ .. قال لكم طيب حلف علشان تتطمئنا أكثر ، قلت لأ ..
قال يعنى الغرب دلوقتى بيتكلم وشمتان فينا .. وموقفنا ..
واحنا والمكتب السياسى خد قرار .. وفوضى اتنى أعمل معاك
معاهدة .. و .. و .. و ..

قلت له طيب أنا بتتبع لكم .. مش ده الكلام اللى أنا بعتة لكم
.. أنا بتتبع لكم قبل ما أصفى الناس دول .. قبل ما أصفى على
صبرى بالذات من أكثر من شهر ونصف .. بتتبع لكم رسميا
وقلت لكم الجدد ده لن يصلح ولن يستمر فى القيادة .. لانى
لا أسمح بالصراع فى المرحلة اللى بتمر بيها البلد دى .. نختلف
فى رأى معلىش .. لكن تتصارع لأ .. وده عاوز صراع .. فأنا
بتتبع لكم وقلت لكم اوعوا تفكروا دى ضد الاتحاد السوفيتى
.. مع ان ده أمر داخلى يخصنى .. ما كانش لازم أقول لكم
عليه .. لكن أنا حريص عليكم وعلى صداقتكم .. بتتبع لكم
قبلها بشهر ونصف .. وقلت لكم اوعوا يقولوا لكم الغرب ..
ويطلع بالصورة انه رجل موسكو الاول فى مصر اتصفى ..
و .. و .. و .. تقوموا اتم تفكروا انه خلاص .. لأه اتم
بتتعاملوا معنا احنا كحكومة مش مع أفراد .. مش الكلام ده
راح لكم قبل شهر ونصف .. قال لى : آه .. قلت له طيب
يعنى ايه لزوم العجلة فى عقد المعاهدة .. طبعاً بتورى .. المعنى
اللى وراء هذا واضح .. قلت له أنا رأى لأ .. تستنى لغاية
يوليو .. بكل الاساليب والطرق لأ .. وموقفنا .. واحنا
أصدقاء .. واحنا حلفاء .. والغرب دلوقتى .. وكذا .. وكذا
.. قلت له ميش هى دى المشكلة .. وهو ده اللى يحفظ صداقتنا
.. قال لى آه ، قلت له خلاص وهو كذلك نعمل المعاهدة ..

وندهت لمحمود رياض .. جهزوا يا رياض واعملوا لنا معاهدة .. مع الاتحاد السوفيتي .. وعملنا المعاهدة قبل ما يسافر وهو في المطار .. قلت له أنا ماليش غير كلمة واحدة أقولها لك وانت مسافر دلوقتي بلغها لبريجنيف وكوسيجين زملائك .. الثقة .. الثقة .. ثلاث مرات . الاسلحة اللي أنا كلمتكو عليها في مارس .. ميش آن الاوان بقي .. قال لى لأ خلاص .. عد أربع أيام بعد وصولي .. الخامس سيكون عندك كل اللي انت عايزه .. آه !! يا دار ما دخلك شر ..

وانعقدت المعاهدة .. وشعبنا الحمد لله بفطرته وبوعيه فاهم .. ومشيت .. فات أربع أيام .. فاتوا خمس أيام .. فات شهر .. فات اثنين .. فات ثلاثة .. جه يوليو .. حصلت حوادث السودان .. الثورة الشيوعية اللي قامت في السودان .. خدنا منها موقف .. ساء الموقف .. ساء العلاقات أكثر ما هي سيئة .. وأنا باعمل على انى أجلبها .. معاهدة ، قال لى .. قلت له ما في مانع .. اذا كانت دى اللي بتحل .. قوى .. تعمل معاهدة ..

موقفنا من عملية السودان .. زود اللي في العلاقات .. فضلبوا قاطعين .. ما يردوش على أى شىء أبعته أبدا .. اطلاقا .. لا بخير ولا بشر لغاية أكتوبر .. من مايو يوم كان عندى لغاية أكتوبر .. في هذا الوقت أنا لما جه وعملنا المعاهدة .. وقال لى الحاجة جاية لك .. كل شىء .. أنا أعلنت ان دى سنة الحسم . واحنا لن نسمح أن الموقف يتجمد .. لان احنا في هذا الوقت أسقطنا مبادرة روجرز وكان علينا يا تقبل الوضع اللي احنا فيه وقاعدين لا سلم ولا حرب واسرائيل قاعدة لنا في

الضفة الشرقية واحنا قدامها في الضفة الغربية وتقبل الوضع ده
 .. يا اما نحركه .. ما يتحركش أبدا الا بمعركة .. فلما قال لى
 .. أعلنت أنا انها سنة الحسم - سنة الحسم - سنة الحسم -
 سابونى لغاية أكتوبر ، وبمتوا قالوا : أخيرا القادة السوفيت
 مستمدين يقابلوك يوم ١١ و ١٢ أكتوبر ٧١ ، أنا الدم ييغلى في
 رأسى كان - أنا كنت هناك في مارس - قلت حاضر باروح ..
 وعدم الرد على ، والاهمال اللى بيعملوه ، وعطوها قبل كده مع
 عبد الناصر .. وأنا حكيت قصتها قبل كده .. عملوها مع عبد
 الناصر سنة ٦٧ ، بعد ما بعثوا لنا النجدة الاولى من الاسلحة
 عملوا نفس الحكاية .. بيعت ما يردوشى عليه .. عبد الناصر
 فقد أعصابه فعلا أيامها وكان عندنا تيتو يوم ١٠ أغسطس ٦٧
 .. قاله له تطلع من هنا .. من عندى هنا في الاسكندرية وتروح
 لهم هناك وتقول لهم : أنا لا أقبل هذا الاسلوب واللى يجرى
 .. يجرى .. أبدا .. الاهمال وعدم الرد ده .. ده اللى حصل
 لعبد الناصر سنة ٦٧ ، كتمت الغيظ ورحت في ١١ و ١٢ أكتوبر
 .. ليه يا جماعة كده ؟ معاهدة قتلوا .. عملنا المعاهدة .. أربعة
 أيام استنيت مافيش .. أبيت لكم بعدها ، شهر ، اثنين ، ثلاثة ،
 أربعة .. دخلنا في أكتوبر .. على ما قتلوا تعالى لأ خلاص
 احنا العلاقات بيننا لازم تكون كذا .. ولازم تكون كذا ..
 وكذا .. وكذا .

طيب أنا أعمل ايه دلوقت في سنة الحسم .. قالوا : قول لنا
 افنت قلت ليه سنة الحسم .. ليه !! عايز أحرر أرضى ، وعايز
 أحرر بلدى ، وان فضيلت أنا نايم على كده .. ده أحسن وضع
 عايزينه اليهود وعايزاه أمريكا .. انى أفضل في الوضع اللى أنا

فيه لغاية ما أنهار .. والدعاية بقي ، واحنا نفسنا كعرب من
دخلنا للأسف .. كانت الانهزامية راكبانا ، واللى يكتبوا واللى
يحللوا .. شئ مؤسف حقيقة . مع انه مفروض فى وقت الازمة
اللى زى دى الكل يتجه الى الصمود .. لكن الانهزامية فى كل
مقال وفى كل تحليل .. فى كل العالم العربى ، والثقة بتسهلوا
وتهاوى بشكل رهيب .

قلت لهم لازم .. قمت علشان أحررهم شوية قلت لهم اتروا
فاكرين التمتاشر طقم بتوعكم بتوع سام ٣ اللى جه عندنا فى
فبراير ومارس ٧٠ بناء على طلب عبد الناصر .. قالوا آو ..
قلت لهم : التمتاشر طقم بتوعنا ادربوا بقى لهم دلوقت ييجى سنة
.. وجاهزين ، واحنا مستعدين بقى نستلم مواقع سام ٣ ،
واسحبوا خبراءكم والعساكر والضباط بتوعكم اللى يشغلوها
.. واحنا متشكرين .. صحيت المناقشة على طول .. على طول
.. وبريجيف قال : ده وضع حائر علينا قدام العالم ، وده
وجود سوفيتى — أه — ده حاجة جديدة طلعت .. وجود
سوفيتى .. يعنى اللى يخش ما يطلعش .. ايه وجود سوفيتى
.. وايه حائر على ميزان القوى فى العالم وايه حائر .. وايه
.. وايه .. قلت له : والله أنا عندى كلام .. اسحبوا التمتاشر
طقم بتوعكم ، وأنا التمتاشر طقم بتوعى جاهزين للاستلام فوراً
.. قال لى : طب مانديك تماشر بطارية للتمتاشر طقم بتوعك
.. قلت له أهلاً وسهلاً . وخذت تماشر بطارية .. وفضل
الوجود السوفيتى .. قلت له انت بتدور على الوجود السوفيتى
.. أنا ما عندى مانع أبداً .. بس ادينى الاسلحة بتاعتى .. أنا
مش خايف من وجود سوفيتى عندى .. أبداً .. ادينى بس

الاسلحة بتاعتي .. قال لى حنديدك كل حاجة .. و .. و ..
 وفى نهاية المقابلة زى مارس بالظبط ، وزى العادة مع كل الزبائن
 يروح مطلع الورقة .. قررت الحكومة السوفيتية تزويدكم
 بالاصناف الآتية وقبلتها .. قبلت .. السلاح طب حيجنى امتى،
 وأنا حددت السنة دى سنة الحسم .. قالوا احنا فى أكتوبر ..
 يجى لك على طول قبل آخر السنة .. طيب .. أنا رجعت وقلت
 سنة الحسم ماشية .. وفضلنا ماشيين .. فات أكتوبر كله ،
 ١١ و ١٢ أنا كنت هناك ، فات أكتوبر كله .. جه نوفمبر وفات
 كله .. جه ديسمبر .. ولا خبر .. ولا المركب جاية امتى ..
 ولا حتوصل امتى، ولا أصناف ايه اللي جاية فى الاول ، ولا حاجة
 أبدا .. وجينا ديسمبر .. يوم ٨ و ٩ ديسمبر بدأت معركة الهند
 وباكستان .. والاتحاد السوفيتى طرف فيها .. يوضح لى أن
 الاتحاد السوفيتى طرف حايش .. وبعدين معركة فى الهند
 وباكستان .. وحابتدى أنا عندى معركة هنا .. والمعركة ايه
 دا السلاح كان مفروض يجيلى .. دخلنا ديسمبر ولا وصلش
 حاجة .. أنا كنت عاوز فى أكتوبر ونوفمبر توصلنى .. على
 ما توصل ديسمبر .. يناير بالكثير أكون دخلت المعركة .. دى
 سنة الحسم .

وضح بعد ما ابتدت معركة الهند وباكستان .. والاتحاد
 السوفيتى طرف فيها وطلبوا تسهيلات معينة منا ادينا لهم ..
 وضح أنه خلاص راحت سنة الحسم .

فأنا بتت بحسن نية يعنى .. ندهت السفير السوفيتى ..
 قلت له دلوقتى سنة الحسم، بيدء معركة الهند وباكستان خلصت
 .. لانه حتى لو وصلنى كل الاسلحة اللي اتتو قايلين عليها



دلوقتى .. مش حالحق ابتدى الا فى الربيع اللي جاي، دلوقتى لازم نشوف لنا طريقة احنا الاثنين نخرج بيها من هذا المأزق . وأنا مش عارف ان العملية متعمدة من جانبهم .. أنا فاهم انه يعنى اتورطوا أو حاجة .. والله تقول للقادة السوفيت أنا مستعد أسافر لهم فى ديسمبر هذا ونطلع صيغة بيان نغطى بيه سنة الحسم .. أتم واحنا .

الكلام ده كان يوم ١٠ ديسمبر ٧١ فات ٢٠ ديسمبر و ٢٥ ديسمبر ، ٢٧ ديسمبر ، ٢٨ ديسمبر جالى السفير السوفيتى .. ايه .. القادة السوفيت مستعدين يقابلوك ١ و ٢ فبراير ٧٢ .. طيب أنا .. دا أنا قصدى من العملية دى قبل ١ و ٢ فبراير .. دخلنا سنة ٧٢ ، فى الوقت ده ، لو تذكروا أحداث الطلبة ايه - القيادة الانهزامية - الحلول التصفية - الكلمات اياها دي

كلها .. المظاهرات .. احتلوا المبنى بتاع المجلس الاعلى
للجامعات وكونوا لجنة الطلبة العليا علشان العملية خلاص اتتمت
.. و .. وكان بيتزعم كل هذا اليسار زى ما أتم عارفين ..
طبعا .. كنت غيظي .. ورجت خطبت في مجلس الشعب
وغطيت موقف الاتحاد السوفيتي اللي كاشفني .. ورجت في
١ ، ٢ فبراير وأول سؤال سألته وانا معاهم على الترايزه .. انه
نقطى موقفنا بتاع سنة الحسم .. واللى جرى قدام العالم ..
وقدام بلدنا هنا .. وعامل حسابي ان بلدنا يصدقني .. لما مش
يحصل الحسم حيعرفوا مين اللي عمل هذا ..
وده اللي حصل فعلا في اوائل ٧٢ لو تذكروا .. كانت البلد
كلها ضد الاتحاد السوفيتي .. مما خلاني أروح مجلس الامة
رسميا واخطب والخطبة متسجلة وموجودة في الجرايد ..
وادافع عن الاتحاد السوفيتي ، بل وانذر كل مسئول يشغل
معايا أقول اللي قابل يشغل معايا على هذا قابل واللى مش قابل
يتفضل يمشى يستقيل .. وانا في قمة الغليان ماقدرتش اقول له
حاجة .. ماهماش جاهزين .. مواعيدهم مش جاهزة مين اللي
آخر الاسلحة .. له تعملوا في كده .. هو انا صديق ولاعدو ..
دا ما يتعملش في عدو .. لما اتم عندكم اتفاق أو عارفين انه فيه
حاجة تحتحصل في ديسمبر بين الهند وباكستان وكانت انديرا
غاندى وقتها .. وقت انا ماكنت عندهم كانت بتلف العالم كله
وتهيا العالم للمعركة .. ولت العالم فعلا كله ، وهيا العالم
للمعركة قبلها بشهر ونص .. طبعا كان الاتحاد السوفيتي عارف
١٠٠٪ لانه كان طرف فيها .. وبعت امدادات للهند .. لما اتم
عندكم ضمير .. ولا احنا حنكون متورطين في عملية ثانية ..

□ سألت بريجنيف .. لماذا لم ترسلوا ما وعدتم به ؟
فأجاب أنه مسئول بسبب الروتين !

□ جاء المارشال جريتشكو إلى مصر في معركة استعراضية
لكي يكسبوا بها أمام نيكسون في مباحثاته في موسكو
وفرحت الهدف .. ومع ذلك قبلت .

□ طلبوا أن أسافر إلى موسكو في ٢٤ ساعة .. لكنني
يستغلوا زيارتي في مباحثات نيكسون .. وفرحت
ومع ذلك قبلت .

□ قلت لهم : الحل السامي مستحيل ما لم يتحرك الموقف
العسكري . وضربت لهم مثلا بما حدث في فييتنام .
وأقرني بريجنيف .

□ فوجهت بالبيان المشترك عن مباحثات بريجنيف - نيكسون
وإبراهيم لحالة الاسترخاء العسكري في المنطقة !

□ هذا يعني أن تبقى أرضنا محتلة .. وإسرائيل متفوقة عسكريا
والسوفييت لا يوفون بتعهداتهم .

□ ردّ علينا السوفييت بعد شهر كامل .. ولم يشيروا
بكلمة واحدة إلى ما وعدوا به من أساحة!

□ خمسة أسطر في نهاية ردّ السوفييت تقول :
«أما عن المعركة ، فهذه مسألة لنا خبرة كبيرة
فيها .. وإلّا عداد لها أمر خطير جدا».

□ رفضت خطاب الزعماء السوفييت في ٨ يوليو واتخذت
قرارات إخراج الخبراء السوفييت .

□ البعض كتب أنه كان يجب أن أتصل بأمريكا ، لكي آخذ
ممن لهذه العملية .. وأنا أقول السياسة أخذت
وأنا لا أطلع صديقا من الظهر .

□ قلت للسوفييت : إن العملية مصرية .. وإرادة مصرية ..
فوافقوا بعد ٨ أشهر على صفقة أساحة .

□ أعطيت تعليماتي إلى القوات المساحة في أغسطس ١٩٧٢
أن تعد نفسها للمعركة ..



■ ■ سألت هذا السؤال .. رد برجينييف على طول قال انا المسئول ..
.. له .. قال الروتين اللي عندنا .. الروتين والاداة الحكومية
و .. و ..

قلت له يعنى مع عدم اقتناعى بهذا - انما اهو - فى المستقبل
بقى .. ان ده اذا تكرر حاحط له حد .. حيقى نقطة خطيرة ،
نقطة تحول خطيرة فى علاقتنا .. ده فى ١ و ٢ فبراير ٧٢

دى ثالث مرة بقى ، ١ و ٢ مارس ١٩٧١ و ١٢ أكتوبر ٧١
١ و ٢ فبراير ٧٢ ثلاث مرات انا جيت لكم آهو .. انا باقول لكم
فى المرة دى اذا تكرر هذا حيقى نقطة تحول فى علاقتنا ابدًا مش
يحصل .. كوسيجين رئيس الوزارة قال انا بنفسى حاشرف
على امداداتكم وحاتولاها لان ده روتين وده .. وده وده ..
قلت طيب .. وبرضه طلّعوا الكشف فى آخر الاجتماع والاسلحة
الى همه عايزين يدوها لى مش الى انا باطلبهس .. وقبلت
وجيت ..

في هذا الوقت اتحد أول مقابلة أو لقاء بين أمريكا والاتحاد
السوفيتي واتفق على أن يزور نيكسون موسكو في مايو ٧٢
نتيجة سياسة الوفاق اللى عملها كوسيجين •

قلت استنى •• أسلحة أيام ما كان لنا بطاريات فى الصعيد
أتمم فاكرين وكان فيه مؤتمر الحزب الشيوعى فى ٣١ مارس
ما بعشوش البطاريات الا بعد ما انتهى الحزب •• قلت والله
يادى المصيبة •• مش حييعتوا لى سلاح الا لما تتم المقابلة بتاعتهم
همه ونيكسون فى موسكو لان همه ما يحبوش فى الاوقات اللى
زى دى زيارة عندهم أو همه يعملوا زيارة أو حاجة وحييجى
بعدين فى كمالة التاريخ وأحكى ازاي •• كان ده طريقهم
وأسلوبهم دايمًا •• قلت لما نشوف ••

فى أواخر ابريل بعثوا لى جريتشكو قبل ما يروح لهم نيكسون
بحوالى عشرين يوم •

بعثوا لى جريتشكو وزير الدفاع وجه هنا فى مطار غرب
القاهرة وجاى مجهز بيان معاه من اللجنة المركزية ويقول لى
احنا مجهزين بيان وجاب ، وجاب معاه طيارة اسمها سوخوى
١٧ •• وكان عندنا أربع طيارات الفوكس باك اللى حكيت لكم
حكايتهما فى الاجتماع اللى فات • والبيان جاى أن روسيا زودت
مصر بقاذفات بعيدة المدى وأسلحة جديدة وكذا وكذا وكذا ••
وعايزين يقرأوا لى البيان •• قلت لهم ماتقروش ، عاوزين ايه ؟
قالوا عاوزين البيان •• قلت لهم طلعه •• أى شىء فيه أنا
موافق •

هو كانت العملية عملية انه قبل ما يزورهم نيكسون في
موسكو يوروا انهم يعنى لهم وجود ولهم كذا في الشرق
الاطوسط ولهم قوة ..

في أواخر ابريل بعد ما مشى جريتشكو فوجئت بالسفير
السوفيتي طالب يقابلني .. ليه ؟ قال القادة السوفيت عاوزينك
٢٤ ساعة في الكرملين لمدة ٢٤ ساعة ضرورى جدا وكنا في أواخر
ابريل .. طبعاً واضح المسألة انه عايزنى أروح أسافر هناك يعنى
ولما يجى نيكسون بعدها يبقى نيكسون عارف ان مصر في
القلك الروسى وكان هنا وبرغم انى رحت ثلاث مرات في أقل من
سنة ، الرابعة أهه و .. و .. و .. قلت له أنا ما كنت عندكم
ثلاث مرات ، ده مفروض دلوقت اتم الى تردوا الزيارة ..
قال لى القادة بالطول بالعرض ٢٤ ساعة بس مافيش غيرهم ..
طيب ..

سافرت ورحت في أواخر ابريل قبل مايو وقلت .. الاتحاد
السوفيتي عاوز ياخذ بيها منظر على أمريكا زى بعضه مافيش
ن حاجة .. صديقتنا .. وصلت وقعدنا حللنا .. في هذا الوقت
كانت فيتنام عملت الهجوم الكبير اللى ابتدا في أول يناير ٧٢
.. وكانت أمريكا رافضة تروح مؤتمر باريس وانسحبت منه
.. فلما قام الهجوم الكبير في أوائل ٧٢ وكان هجوم ساحق
اضطرت أمريكا تغير سياستها أمام الامر الجديب الواقع ..
وراحت مرجعة مندوبها تانى لباريس ورجعت مؤتمر باريس تانى
وتهددت زيارة نيكسون لموسكو في مايو فهو هو ده كان مجال

حديثي مع القادة السوفيت في القعدة دي قلت لهم مثل قدامكم
أهوه .. أمريكا سابت مؤتمر باريس وانعطرت وانسحبت ولما
اتعمل الهجوم الكبير في أول يناير * واحنا بقى لنا دلوقت في
فبراير أربعة أشهر أهوه غيرت أمريكا أمام الامر الواقع وأمام
التحرك العسكرى .. اضطرت انها تغير وترجع مؤتمر باريس
.. مش بس كده .. ونيكسون ييجى لكم موسكو كمان وهمه
عارفين ان الهجوم الكبير ده كله بسلاح سوفيتى *

قلت له ان المسألة مش حاتتهى زى ما قلت لكم ميت مرة *
همه .. ما فيش في راسهم غير الحل السلمى ..

طيب .. قلت له حتى الحل السلمى مش حايجى بدون
ما تحرك الموقف عسكريا .. بدون معركة ما فيش فائدة *

وآدى أكبر مثل أمامكم .. فيتنام .. بريجنيف قال أنا متفق
معاك في هذا التحليل تماما * قلت له : انت متصور نيكسون
حاجب حاجة الدور ده ؟ *

ده سنة ٧٢ كانت سنة الانتخابات أيامها والرئيس الأمريكى
في سنة الانتخابات لما يقدرش يحل ولا يربط حاجة علشان
ما يقيدش الرئيس اللي ييجى بعده * ده تقليد في الولايات
المتحدة *

حايجصل حاجة * اتفقنا انه موقف أمريكا يا اما حيكون
سيء يا اما حيكون الى الاسوأ * مش حيكون كويس * وجيت

قعدت ٢٤ ساعة هناك فعلا وجيت . انما المهم هو الاعلان ان
 السادات رئيس مصر كان عندهم قبل نيكسون ما يروح لهم .
 آه حاضرح رحت وخلص انتهى . وجه الاجتماع - اتفقنا كان
 به آفا وبريخيف . انه بعد ما اتفق معايا في التحليل انه لن
 يحدث لا حل سلمى ولا غيره الا بالتحرير وبمركة عسكرية .
 وده أكبر مثل فيتنام بعدما اتفق معايا ١٠٠٪ على هذا . اتفقنا
 على - قلت له بعد ما يسافر نيكسون حيقى أماننا خمسة أشهر
 لكافة الانتخابات الأمريكية - الاصناف اللي ناقصانا واللى من
 أيام عبد الناصر بنصرخ عليها ، اعملوا معروف ابعتوا لى علشان
 بعد ما ينتخب نيكسون ويعيد انتخابه أوجه رئيس جديد بداله
 نبقى جاهزين ، تتكلم من أرضية ثابتة ، ولن يحترمنا الأمريكيون
 . . ولن يحترمنا اليهود الا اذا كانوا عارفين قوتنا ايه ، واللى
 يسجى لنا ما يخفاش على حد .

زى اللى يسجى لاسرائيل ما يخفاش علينا . اللى يسجى لنا
 ما يخفاش كمان على اسرائيل . تتكلم من موقع القوة . اتفقنا
 على هذا ورجعت فى أواخر ابريل جه ٢٠ مايو . . راح نيكسون
 . . المفروض بيعتوا لى زى ما اتفقوا معايا . قالوا لى نبعث لك
 نتيجة الزيارة . ولكن الاتفاق الاساسى انه فى الخمسة أشهر
 التالية ما نضيعش دقيقة . ويعتوا الامداد اللى كان عبارة عن
 قطع حطيتها لهم هناك .

جه نيكسون بعد أسبوع سافر . . فوجئت بالبيان اللى صدر
 عن الزيارة .

البيان يقول ايه : العمل على الاسترخاء العسكري في المنطقة

أمريكا وروسيا اتفقوا على الاسترخاء العسكري في المنطقة.

الله .. استرخاء وأنا ١٠ - ١٥ خطوة وراء اسرائيل ؟ طب
ما هو يبقى الوضع جيمشى من سبى الى أسوأ استرخاء عسكري

وازاى الاتحاد السوفيتى يوافق على كلمة استرخاء عسكري
.. ده الكلام ده لما يكون أنا واسرائيل على قدم المساواة فى
التسلح ، وما أكونش كمان أرضى محتلة .. يقوم يتكلموا
على استرخاء .. انما استرخاء عسكري وأنا متأخر عشر خطوات
وراء اسرائيل وأرضى محتلة واسترخاء عسكري . يعنى تفضل
أرضى محتلة على طول .. أنا فقدت صوابى تماما وكانت دى
بقى زى ما يقولوا عندنا فى المثل ((القشة التى قصمت ظهر
البعير)) .. كل اللى فات وحكيته ده كله شيء واللى استحملته
فى الحسم وفى غيره وفى ده كله وفى الاسلوب وفى المعاملة وفى
الطريقة وفى التجاهل .. كله حاجة ودى كانت شيء استرخاء
عسكري .. قلت أستنى ييجى لى البيان بتاعهم .. جالى البيان
بعدها بأسبوعين .. الله ده أسبوعين ضاعوا ، ده احنا متفقين
الخمس أشهر يادوبك لفساية نوفمبر على ماتيجى الحاجة ..
وأجهز نفسى وأدرب أولادى عليها وأجهز . بعد أسبوعين جانى
البيان وزى ما اتفقنا أنا وبريجنيف .. مافيش شيء جديد فى
موقف أمريكا .. وتحليل السوفيت ان موقف أمريكا ما فيهش
جديد .. وانهم أقنعوا الامريكان بتنفيذ قرار ٢٤٢ .. يا سلام
.. الاسترخاء العسكري وتنفيذ قرار ٢٤٢ ، جانى السفير

السوفيتى بالرسالة قلت له طيب خذ رسالة منى بقى ، احنا متفقين انه فى الخمس أشهر اللي جاية مانضيعش يوم .. تبعتولى عشان فى نوفمبر بعد ما ينتخب الرئيس الامريكى تحس اسرائيل وأمريكا ان احنا بنتكلم من موقف القوة .. ان كانوا سلميا عايزين يحلوا أهلا وسهلا .. ماكانش بقى جاهزين للمعركة .. راح السفير السوفيتى وبعت لهم هذا .. وقولوا لى بقى .. أنا بحسن نية .. قولوا لى بقه مواعيد المراكب والعتاد امتى عشان أجهز نفسى وأجهز الناس وأخلي ميناء اسكندرية عشان الخمس أشهر اللي جاين .. راح السفير السوفيتى شهر ، ٣٠ يوم كاملة .. أسبوعين بعد زيارة نيكسون وآدى شهر يبقى شهر ونصف من الخمس أشهر .. بعد شهر كامل جالى بالرد .. وزى ما توقعت أنا تماما .. الرد مفهش أى شىء عن البنود السبعة اللي اتفقنا عليهم بيعتوهم لى .. ولا عن اتفاقنا اللي فيه خمس أشهر وهايبتولى العتاد .. ولا تواريخ مراكب .. ولا أسلحة ولا حاجة أبدا انما كله كلام .. الجواب صفحتين ونصف .. صفحتين وربيع منه كلام عن جهود الاتحاد السوفيتى فى اقناع الأمريكان بالحل السلمى .. وازاى انهم مع حقوق العرب ولا بد من الانسحاب .. كل الكلام ده .. والموقف .. الشىء اللي منتهى التطرف .. الله .. طيب وانا جانى ايه من الكلام ده أنا عايز تواريخ المراكب .. والأسلحة والخمس أشهر، والاتفاق اللي احنا متفقين عليه .. والتحليل اللي حللتاه سوا .. ولا حياة لمن تنادى .. صفحتين وربيع كده .. وخمس أسطر آخر الجواب .. أما بشأن المعركة فدى مسألة احنا لنا خبرة كبيرة جدا فيها ، ودخلنا الممارك والتجهيز لها والاعداد لها أمر

خطير جدا وأى شئ مما يستفاد منه أنه لا هتقدروا تعملوا
معركة ولا حاجة فى خمس أشهر . ولا ذكر لا المراكب ولا خمس
أشهر ولا اتفاق .. ولا أسلحة .. ولا .. ولا ..

فى هذا الاجتماع الذى كان فى ٨ يوليو اتخذت قراراتى التى
انتم عارفينها .. بعد ما قرأ لى الجواب .. وقعدت الصفحتين
وربع باسمع وبعدين الخمس أسطر الاخيرة التى الكلام عن
خطورة المعركة .. وان هو يفهم فى المعركة .. وان احنا ما معناه
ان احنا ما نفهمش فيها .. وان ده موضوع يعنى خطر جدا و ..
و .. و .. بعد ما خلصوا الخمس اسطر .. قلت له .. وسكت
.. قلت له الله !! .. ده الجواب .. قال لى آه .. قلت له طيب
فين الباقي .. فبين الكلام عن الاتفاق الذى بينى وبين بريجنيف ..
فين الاسلحة .. فبين الذى اتفقنا عليه .. قال ده هو الجواب بس .
قلت له طيب خد قراراتى بقى بلغها للقيادة السوفيتية .. أنا بأرفض
هذا الخطاب شكلا وموضوعا .. وبأرفض التعامل واسلوبكم
معايا التى حذرتكم فى فبراير منه شكلا وموضوعا .. وبأرفض
هذا الاسلوب ..

واسمع القرارات دى .. الخبراء السوفيت بتوعكم بعد
أسبوع يروحوا .. منشآت تتسلم للمصريين أو فوكوها وخدوها
.. أى شئ هنا موجود ياتبعوه لنا .. يا تسحبوه وتأخذوه ..
وميش عايز خبراء سوفيت .. والكلام ده كله فى بحر أسبوع
يتنفذ وحددت التاريخ .. وزير الحرية بكره حياخذ خبر بهذا
.. واعملوا حسابكم .. ده أنا فى سنة ٧٢ لسه من الخمس سنين
المعجاف .. الراجل ما صدقش فى الاول .. قلت له دى رسالة

رسمى تبليغا .. وكان قاعد معايا مستشار الامن القومي بتاعى
حافظ اسماعيل قلت له سجل كل حاجة قدامه .. وفعلنا تانى يوم
باعت وزير الحرية ..

وفى الاسبوع كان هم جاولوا بقى فى وسط الاسبوع
يلموا .. كانوا فاكرينها تهويشة .. فحاولوا يحلوا .. بعثت لهم
رئيس الوزراء عزيز صدقى .. برضه قبل انتهاء الفترة اللى هى
أصبوع .. برضه حرصا عليهم وعلى الصداقة السوفيتية .. قلت
له روح لهم وقل لهم قراراتى نهائية انما ممكن نطلع بيان سوا
تقول فيه ان الحكومتين اتفقوا ان مفيش داعى لوجود الخبراء
أدوا مهمتهم وخلاص ومصر بتشكرهم على ما أدوه .. يقوم
بغطى الوضع بتاع الاتحاد السوفيتى أمام العالم وكل حاجة ..
أنا حريص عليهم .. وراح لهم عزيز صدقى وهو رئيس وزارة
وقال لهم هذا الكلام .. قبل انتهاء المدة بيومين .. رفضوا وقالوا
.. لا .. ما نعملش بيان مشترك طلعه من جانب واحد ..


كل ده للتاريخ بأقول لكم علشان تحفظوا تاريخ القضية كلها
.. رجعت لى عزيز يوم الاثنين خلص تنفيذ القرار .. يوم الثلاثاء
جيت للجنة المركزية هنا .. برضه مؤتمر مشترك بين اللجنة المركزية
ومجلس الشعب وأعلنت فيه الكلام ده كله .. وأعلنت أنه فعلا
تم تنفيذ القرارات .. وفعلنا كان تم تنفيذ القرارات .. بهذا بقى
دخلنا فى مرحلة جديدة فى علاقتنا مع الاتحاد السوفيتى .. فى
هذا اليوم بالذات .. ثانى يوم أنا عملت هذه القرارات مع السفير
السوفيتى يوم ٨ يوليو ، يوم ٩ يوليو كان عندى هنا الرئيس
حافظ الإمام راجع من موسكو .. القرارات ما كانش حد يعرف

عنها حاجة الا بعد ما اتنفذت في نهاية الاسبوع ، لما جاني حافظ
الاسد تاني يوم ، يوم ٩ من موسكو ، حكيت له ، وقلت له النصه
حصل كذا وكذا بيني وبين السوفيت وأنا أصدرت القرارات التالية
وحاتنفذ يوم الاثنين المقبل ..

قال لى .. طيب وايه الموقف دلوقتى بالنسبة لنا ؟ قلت له :
انت جيت سلاح منهم ؟ قال لى : آه .. قلت له .. خلاص ..
خلى علاقتك بيهم .. ما فيهاش حاجة .. سافر الرئيس حافظ
الاسد .. أعلنت زى ما قلت لكم بعد اللجنة المركزية هنا .. قامت
قيامه السوفيت في العالم .. بعد ما رفضوا انه يطلع بيان مشترك
عشان نغطي ونشكر فيه الخدمة والخبرة السوفيتية تمام ..
رفضوا .. طلعت العملية في العالم .. هاج .. اتقلب العالم ..

البعض هنا كتب وقال انه كان حقى أنا اتصلت بأمريكا علشان
أخذ ثمن هذه العملية ، أنا باحب أقول رأيى بانهز الفرصة دى
وأقول لكم اذا كان البعض يفتكر أو الشئ العام اللى في العالم
ان السياسة ليس لها أخلاق .. أنا بالنسبة لى .. الاخلاق
لا تتجزأ .. كان يبقى عمل أنا باعتقد أنه لا أخلاقى لو أنا جيت ،
أصدقائى السوفيت طعنهم في ظهرهم ورحت اتفقت مع
الامريكان على دى .. لا وقلت حايعرفوا .. هم طبعاً في الاول
قطعوا ١٠٠٪ ان أنا متفق مع الامريكان عليهم ..

وقلت حايعرفوا دلوقتى .. وحايعرفوا بيتعاملوا مع مين ..
أنا عندى الاخلاق لا تتجزأ .. ولا أطعنش في صديق أنا أديله
صدمة كهربائية صحيح ، لكن ما أطعنوش وأقول له .. اصحى



.. فوق معايا .. لكن ما أظعنوش أبدا لانه وقف معايا في ساعة
الشدة ..

ثبت لهم بعد ذلك بثمانية أشهر وعقدوا معنا صفقة أسلحة بعد
ذلك بثمانية أشهر بعد ما اتأكدوا انه لم يكن أبدا هذا العمل طمئة
في ظهرهم أو عمل لا أخلاقي وأنا .. سواء في السياسة أو غير
السياسة .. بأحب انكم تبقوا عارفين .. أنا باقول الاخلاق
وحدة لا تتجزأ في السياسة أو غير السياسة ، مسألة الخلق
لا تتجزأ .. أبدا .. مهما كان فيها من شطارة لانه في النهاية
لا يصح الا الصحيح .. واللى بيكسب هي الاخلاق .

طلعت القرارات .. قامت القطيعة بيننا وبين الاتحاد السوفيتي،
قطيعة .. كاملة .. معنا بعدها .. أدت تعليمات انه القنوات.

المسلحة بما عندنا من أسلحة في أغسطس ٧٢ ، بما عندنا من
أسلحة تكون جاهزة في نوفمبر .. ونددت أمين الاتحاد
الاشتراكي وكان أيامها الاخ سيد مرعى وقلت له انه في نوفمبر
لازم نكون جاهزين للتحرك .. ونددت بمدوح سالم .. كان
ماسك المقاومة الشعبية الى جانب عمله كنائب رئيس وزارة ووزير
داخلية وقلت له يا مددوح .. على نوفمبر الجاي نكون جاهزين
بما لدينا من عمليات في الدفاع الشعبي .. لانه هو كان ماسك
الدفاع الشعبي كله وفي ٧٣ كان ماسكه أيضا .. ونددت حافظ
اسماعيل مستشار الامن القومي وقلت له : تروح تجهز نفسك
.. الامريكان لا بد حايصلوا بينا .. لان القرار قد كده خطير
.. حايصوروا انهم يعنى .. حايصوروا يمكن ان احنا في سبيلنا
لشيء ، حايحاولوا يستكشفوا معنا فجهز نفسك بالبدائل عاشان
تشوف ايه اللي يمكن ان احنا نعمله بعد انتخابات الرئيس
الامريكي لان دية سنة انتخابات وموش حايعملوا معنا حاجة
الامريكان ، وفعلا .. ما مرش اسبوعين الا لما كان كيسنجر باعت
ويقول عايز يقابل جد من عندنا يتكلم وياه . بعد القرارات
بحوالي ثلاثة أو أربعة أسابيع .

□ جهاز أكتوبر .. اليساريون حاولوا مظاهرات في الجامعة
اشتتت الفتنة الطائفية .. كثير من أقدام الصحافة
سلبية أو تزكى ما يجري بلا مسئولية .

□ تولهم البعض أن مصر انتهت .. وأن طرد الخبر السوفيت
معناه أننا لن ندخل معركة .

□ بعض الصحفيين اليساريين كان يمدد المراسلين الأجانب
بهذه الصورة المسمومة .

□ جمعت المجلس الأعلى للقوات المسلحة في أكتوبر وكشفت
أن وزير الحربية لم ينفذ تعليمات الاستعداد للمعركة !
وأنه لم يبلغ القيادات العسكرية بأى شئ !

□ حتى الخطة الدفاعية ٢٠ أصحابها الخلل ، ونفوذ علينا
العدو في حماية خطوط .. وأصبحت جبهتنا مكشوفة تماما .

□ عزلت وزير الحربية .. وفي يوم ٢٠ نوفمبر أغنى الهجوم
أحمد اسماعيل «تمام الخطة الدفاعية كاملة» ..
وبدأ التطوير للهجوم .

□ صحيفة من صحفنا الدأب - بأسلوب مراكز القوى -
تجنت وأطلقت الإشاعات !

□ كنت أريد منهم أن يعلموا الناس الصمود ..
وألا يكونوا سما في بلدهم .

□ دخلنا على عام ٧٣ بدأ أحمد إسماعيل يضع الرميكل
الأساسي للخطة الرجومية .

□ قال كيسنجر لحافظ إسماعيل .. يجب أن تكون طلباتكم
معقولة ، وفي حدود الحقيقة القائمة .. وهي
أنكم لن تستطيعوا الحركة .

□ عاد أحمد إسماعيل من موسكو بصفقة سديد ..
بعد أن تأكد السوفييت أننا لا نطعن مره لظهر

□ طلبت من السوفييت حضور اندرو بوف وزير الأمن القومي
السوفييتي ولم يردوا . وفي ٥ يونيو طلب السوفييت
أن يزور بودهورني مصر . فقلت لهم آسف ، لأنه
هاجم العرب والقوات المسلحة في تصريحات له .



□□ وعدى الصيف والمواصلات مقطوعة بالكامل .. وكل شيء مقطوع بينى وبين الاتحاد السوفيتى .. جينا على الجامعة .. جينا على دخول المدارس .. برضه بعض اخوانا اليساريين برضه على الاسلوب اياه .. ظلموا وعملوا لخبطة فى الجامعة .. فى هذا الوقت قامت الفتنة الطائفية — كانت من الصيف — خدت حموتها فى اكتوبر ونوفمبر ٧٢ ، فتنة طائفية .. طلبة .. يكتب بقى عن مصر .. الصحافة عندنا للأسف .. يا اما سلبية يا اما من تحت لتحت بتزكى هذا كله .. بلا مسئولية اطلاقا ..

بل انه توهم البعض ان الوضع انتهى خلاص والصورة راحت، وكل الكلام اللى بقى يطلع من المراسلين الاجانب ان مصر انتهت .. فتنة طائفية وحركات الجامعة، وقرارات الخبراء الروس، وطرد الخبراء الروس .. ده معناه أن السادات مش داخل معركة خالص والعملية سيئة . صورة مصر فى أوائل خريف ٧٢ الى ما بعد ذلك كانت صورة كئيبة جدا واحنا ، ومن صحفيينا المصريين اللى كانوا

يبدأ والمراسلين الاجانب هذه البيانات وكتاباتهم كانت سم في
 صحفنا . وفوجئت في رمضان ٧٢ ، كنافي اكتوبر ، فوجئت لما جمعت
 المجلس الاعلى للقوات المسلحة .. أنا لما قدمت لوزير الحرية
 في أغسطس - زى ما قلت لكم - وقلت له يروح يبلغ المجلس
 الاعلى للقوات المسلحة ويجهز القوات لنوفمبر .. رجع لى بهدها
 بيومين وقال لى جمعت المجلس .. نيلم .. واحنا جاهزين في
 أول نوفمبر .. قلت له : لا .. معاك لخمسناشر .. مش أول
 .. جمعت المجلس الاعلى في اكتوبر .. في أواخر اكتوبر علشان
 أنا .. مفروض انهم جاهزين في أول نوفمبر .. يتضح لى ان
 وزير الحرية لم يبلغ المجلس الاعلى للقوات المسلحة .. مدير
 الامداد والتموين في المجلس الاعلى .. اللى ايه .. اللى حيوصل
 البنزين للديابات .. والمية للقوات .. والااكل .. اللى ييخدم
 المعركة كلها .. رفع ايده .. يقولى قرارات ايه يا فندم اللى انت
 بتعنا لينا في أغسطس .. أنا باقول لهم أنا بعث لكم قرارات في
 أغسطس ان شاء الله تكونوا جاهزين .. رفع ايده وقال لى :
 قرارات ايه .. قلت ام .. وزير الحرية ما بلغكوش ؟ .. قال
 لى - لأ - ميل على وزير الحرية وقتها ..

وقال لى : أنا ماحبش ابليج - أنا عايز السرية كله .. سرية !!
 على المجلس الاعلى للقوات المسلحة .. ده المجلس الاعلى هو
 اللى بيحط الخطة - كله - ده اللى يقول لى ده .. هو اللى
 حيوصل البنزين والمية والااكل ويعمل الشئون الادارية بتجاعت
 القوات المسلحة كلها .. اللى هي اخطر من القتال فكان .. ثم

طلعت غلط .. عزلته .. زادت الحملة في مصر .. الوزراء
يبتزلوا وبقرارات ..

أنا يا حكي لك .. أصلي بأنفس عن المسافة بتاعت خمس
سنتين .. القراوات بتطلع عشوائية .. مش قادر أقول لهم أنا ..
اتنى أنا مدى خبر .. مش قادر أعلن ان وزير الحرية اللي قلت
له .. راح ماجمعش .. وچالى قال لى خطأ وتعند انه جمع وانه
جاهز بل اتضح لى ما هو أخطر أنه ونحن فى أواخر اكتوبر ٧٢ ..
الخطة الدفاعية اللي مسلمها لى عبد الناصر زى ما قرأتم ومسلمها
لى قبل ما يموت ، وكأنه عارف انه حيموت ، الخطة الدفاعية اللي
كان دايمافوزى محافظ عليها ان احنا دائما فى موقف دفاعى
أحسن من اسرائيل علشان نبقى فى وضع سليم باستمرار ..
الخطة الدفاعية منهارة لان اليهود علوا الساتر قدامنا ١٧ مترا ،
واحنا هواتنا ما عملتش أى مجهود .. النتيجة ان أولادنا قاعدين
على ٢ متر قدام ١٧ .. بقى طلع فيهم ان ورا الساتر ده معدات
اليكترونية .. ومش عارف ايه - وطلع حاجات .. خزعات
كتبها الصحف ، واشاعات والحرب النفسية التى بتطلعها اليهود .
فى المجلس الاعلى قائد الجيش الثالث ، وقائد الجيش الثانى ..
باسألهم حال جيوشهم ايه ؟ .. قالوا احنا مكشوفين .. الخطة
الدفاعية مكشوفة .. كان فوزى وهو قائد عام .. الخطة
الدفاعية كل اليهود ما يعلو الساتر نصف متر - يعلى هو متر
علشان نبقى فى الوضع السليم وكاشفينهم دايمافوزى .. ده سبناهم ..
الوزير الثانى سابهم لما ارتفع ١٧ متر واحنا قاعدين تحت ..
ماحدث عارف .. ويحكموا تحركاتنا ، لو عملنا أى حاجة ..

قائد الجيش الثالث قال لى : أى حد عندى باين .. حيان
مكتشف .. قبل ما عمله يكونوا شايقين كل حاجة ..
وحاكين من ١٧ متر واحنا ثلاثة متر تحتهم .. سألت قائد الجيش
الثانى نفس الشيء .. أقلت وزير الحرية .. طلعت الاشاعات
برضه القرارات بتؤخذ عشوائية .. مش قادر أقول لهم ..
أحكى وأقول ان الخطة الدفاعية فى أواخر أكتوبر ونوفمبر كانت
مكتشفة وان إسرائيل كانت تستطيع تخش الضفة الغربية عندى
.. تعمل ما تشاء وتطلع .. أحكى ده .. ما كانش يتجكى طبعا

وصحيفة من صحفنا للأسف برضه جريا على أسلوب مراكز
القوى تبنت المسائل دى ، وطلعت منها الاشاعات ، والقرارات
عشوائية، وادى فتنة طائفية، وادى حال الجامعات، وادى الخبراء
الروس طلعلوا .. مافيش حرب ، والحالة .. والحالة .. للأسف
.. ولم يتصد واحد من الصحافة أبدا للصمود — لمجرد الصمود
أنا مش عايز منهم يداقوا عن حاجة ، ومش طالب منهم يعملوا
حاجة أكثر من أن يعلموا الناس يصمدوا .. ما يقوش سم على
بلدهم .. زادت الحالة فى الخارج .. لو تقرأوا صحف العالم عنا
فى أكتوبر ونوفمبر وديسمبر ويناير وفبراير .. ديسمبر ٧٢ ،
يناير وفبراير ٧٣ .. اللي يقرأها يقول : مصر اتتهت وراحت ..
وزى ما قلت صحفيين من عندنا اللي كانوا ييغذوا هذا .. وأنا
باقول قد ذاتى النهارده علشان ما ترجعوش له تانى لأنى لن أسمح
بهذا تانى .. ولم أسمح لاحد لا فى الصحافة ، ولا غير الصحافة
يعمل مراكز قوى ، يعمل اشاعات .. أو يعمل كلام من ده ..
سبت كل حاجة سبت الفتنة الطائفية مائية .. سبت طلبية

الجامعات يهروا ، ويمملوا مظاهرات ومجلات حائط وشتائم ،
وتصفوية وانهمازمية .. وقالوا ما قال مالك فى الخمر سبت كله .

وعينت اسماعيل الله يرحمه .. قلت له : يا اسماعيل وقف الخطه
الدفاعية الاول ، وبمدين حاتكلم وياك فى الباقي .. فضلت من
أواخر اكتوبر لما اتعين اسماعيل الى آخر نوفمبر ، على ما رفع
الساعة اسماعيل ، وادانى تليفون وقال لى : تمام الخطه الدفاعية
٢٠٠ جازهة وخطتنا كاملة ، صرف ٢٠ مليون جنيه خداهم مش بس
فى اكتوبر ونوفمبر .. لآ ده امتد صرفهم لغاية يناير وفبراير لانه
عمل بيهم تجهيزات الهجوم .. انما بالجزء الاول من العشرين
مليون جنيه فى اكتوبر ونوفمبر اكمل الخطه الدفاعية وأيامها طلما
اليهود وقالوا المصريين غاوين بناء اهرامات .. وهو جه تفانى
العملية اسماعيل الله يرحمه بانه جه أمام كل نقطة قوية وراح عامل
فعلا هرم من التراب وسلحه من فوق بمواقع بحيث سينا بقيت
يدل ما كان ١٧ متر الحواجز واحنا تحت .. احنا بقينا فوق وهما
تحت وسينا قدامنا مكشوفة بالكامل .

يوم ٢٠ نوفمبر كلمنى اسماعيل وقال لى تمام يا افندم الخطه
الدفاعية كاملة .. قلت طيب أبتدى أتكلم بقى فى البلد .. الفتنة
الطائفية حلتها .. دور فى الازهر ودور فى البطريك وانهت ..

خطبت فى مجلس الشعب فى ديسمبر وقلت لن أسمح ابتداء من
هذه اللحظة بهذا التسيب .. وفى نفس الوقت .. من بعد
ما خطبت بالليل حتى الفجر كان جميع العناصر اللي بتشير مقبوض
عليها ومتقدمة للنيابة . طلعت نفس الصحيفة برضه والمجمع اللي

فيها وقالوا انه .. الله طيب ده خطب وقال انه .. أنا فعلا في
خطبتي قلت أنا: جمال الحرية بمزيد من الحرية لكن لا أسخ
بالتسيب .. قالوا اترأي بمزيد من الحرية وبقى فيه قبض
ع الطلبة و .. و .. و .. الطلبة طبعاً شايفين قدامهم . وبقول
الطلبة هنا ما بقولش القاعدة الطلابية العريضة .. أبداً .. ده أنا
باتكلم عن عناصر محدودة ..

دخلنا على ٧٣ بدأ أحمد اسماعيل الله يرحمه يحط النهيكل
الاساسي للخطبة .. فبراير ٧٣ سافر أحمد اسماعيل للاتحاد
السوفيتي وسافر حافظ اسماعيل للقاء كيسنجر لأول مرة ..
يعنى منذ قرار الخبراء في ٨ يوليو بعدها بثلاثة أسابيع اتصلوا بينا
الامريكان .. ماحصلش الاتصال الاول بيننا وبين كيسنجر الا في
فبراير ٧٣ وأعلن عنه .. طلباتكم معقولة تقدر نعمل لكم حاجة
في حدود المعقول وفي حدود الحقيقة القائمة وهى انكم مش
حتقدروا تتحركوا ونصيحني لكم ما تتحركوش لانه حتبقى ضربة
خطيرة عليكم وتنتهى .. ما عجبنيش الكلام لما رجع حافظ
اسماعيل .. قمت بعث .. كان بقى زى ما قلت لكم أحمد
اسماعيل في موسكو رسمى ومعلن، وحافظ اسماعيل في باريس
رسمى ومعلن يقابل كيسنجر .. رجع لى أحمد اسماعيل من
موسكو بصفقة سلاح بعد ما اطمأنوا وكان ٨ أشهر فاتوا بقى على
قرارات الخبراء الروس واتفكدوا ان احنا ما عملناش طعنة في
ضهرهم مع الامريكان أو لا اخلاقية .. وعملوا معاه صفقة ..

ولاول مرة في تاريخهم بدأوا يوردوها .. يوردوا أجزاء منها
سرعة اثباتا لحسن النية .. في نفس الوقت جاني حافظ اسماعيل

زى ما قلت لكم وبكلام كيسنجر .. قلت له الكلام ده مش عاجبنى أبدا .. يعنى معنى ده ونصيحة كمان ما تتحركش عنها ان احنا تقبل وضع الهزيمة خلاص .. يا سفير يا سوفيتى .. ندهت له عندى .. تبعت لموسكو وقول لهم انه حصل اتصال بيننا وبين أمريكا ورجع لى حافظ اسماعيل وأنا أحب انه يبعثوا لى وزير الامن القومى عندهم أندروبوف ،

وده كان صديق شخصى لاحمد اسماعيل الله يرحمه . اسماعيل لما رجع بعد عقد الصفقة قال لى أندروبوف وزير الامن القومى راجل كويس ومتفاهم وبيقول أى مصاعب تطلع فى العلاقات ادونى خبر وأنا مستعد آجى ونزيل هذه المصاعب وكذا وكذا . وما نرجعش تانى لعملية زى بتاعة الخبراء . شكلها أضر بالعلاقات بيننا وبين بعض . لكن خلاص ما نرجعش للحاجات ده .. اديكوا أخذتم الصفقة أهه . واحنا ما بنطالبش بشئ أبدا .. أكثر من انه اذا حصل حاجة مستقبلا يعنى تتلاقها قبل ما تقع .

فبعث .. بنساء على كلام أحمد اسماعيل ندهت السفير السوفيتى .. رسالة رسمية للقادة السوفيت ابعتوا لى أندروبوف وزير الامن القومى بتاعكم علشان أتكلم معاه على مقابلة حافظ اسماعيل لكيسنجر لان الكلام ما عجبنش بتاع كيسنجر أبدا .. وگت عايز أقول لهم آدى أهه .. آدى الواقع . من غير ما تبتسم . كلام كيسنجر ملخصه بسيط . من غير ما تبتسوا انكم بنى آدم وتحابروا ما تطلبوش تغيير الوضع وجاتفضلوا فى اللي اتم فيه .. هو كده ..

وده الواقع .. وده اللي ماشى بيه العالم .. وتطلبوا منا ليه حاجة غير الواقع ! وغير الواقع مانقدرش نعمل لكم حاجة .

دخل مارس وابريل جت لى أجزاء من الصفقة اللي عملها اسماعيل . قلت الحمد لله .. المشير اسماعيل الله يرحمه ماشى فى الخطة ويعرضها على فى مارس كانت متتية بالكامل ..

الوضع العربى كنت باشتغل فيه بالكامل قبلها بسنة . الوضع الافريقى قررت اسافر مؤتمر الوحدة الافريقية فى مايو . وسافرت . ولاول مرة تأخذ قرار رافع . الوضع العالمى قلت لازم نروح مجلس الامن وتأخذ قرار .

حصل العدوان على الثلاثة القادة الفلسطينيين فى بيروت واللى موتوهم هناك . وبعثت للرئيس فرنجية وقلت له أرجوك أطلب عقد مجلس الامن، الراجل استجاب . عقدنا مجلس الامن علشان يشوف عملية الثلاثة دول ، خليت الدكتور الزيات اتقدم فجأة بعرض القضية بتاعتنا علشان ناخذ قرار وأخذنا فعلا قرار فى يوليو بأربعة عشر صوتا ضد صوت واحد هو صوت أمريكا .

فقرينا جهزت للمعركة .

افريقيا جهزت للمعركة .

عاليا .. دوليا فى مجلس الامن جهزت بقرار ١٤ من ١٥ .

عدم الانحياز كان جاى فى سبتمبر وفعلا رحته كان قبل المعركة و جهزت للمعركة .

ده تجهيز كامل فى الداخلى هنا • اسماعيل من مارس الله یرحمه
كانت الخطة كاملة بالكامل وبدأ التدريب الشاق لكل وحداتنا
على كل المهام القتالية بتاعتها •

قعدت مستنى ييجى لى اندروبوف • أسبوع • أسبوعين • •
ثلاثة • • أربعة • • خمسة • • ولا حتى السفير السوفيتى جه وقال
انه احنا مثلاً الرجل تعبان • • أو عيان أو فيه حاجة • • بعثت
ندهت السفير السوفيتى بعد شهر وشوية قلت له تعالى • ده
الطلب ده عاجل وقايل لك انه عاجل • • وده موضوع بيحصل
وضع اتم حلفاؤنا وأصدقاؤنا • • عايز أقول لكم عليه عايز أقول
لكم احساسى ايه ، وتتفاهم ونواجه الموقف ده ازاي حاضر ابعت
• • راح • • مافيه ولا مجيب • • شهرين • • رحت ناده له بعد
الشهرين • • قلت له ماجالكش حاجة عن أندروبوف هاييجى قال
لى لا والله ماجاش • • قلت له طيب الغنى • • ابعت للقادة السوفيت
وقول لهم أنا بلغى هذا الطلب • • وأنا نسيت نفسى • • ليه • • ؟
لانى بالكلم دولة عظمى • • وباقول ابعتوا لى حد • • أنا فاهم انى
بالكلم أصدقاء بأه اتم لو بعثوا لى وقولتوا لى ابعت أى انسان
• • ده اتم • • أربع مرات أروح أزوركهم فى الاتحاد السوفيتى
فى أقل من سنة • • وأنا بأبعت وفاهم ان أنا صديق • • وانكم
حلفاء • • لا • • أنا نسيت نفسى يظهر ونسيت انكم دولة كبرى
• • وأتم كدولة كبرى آه • • أنا آسف • • ابعت للقادة السوفيت
قول لهم الغوا الطلب مش عايز حاجة • • جينا ٥ يونيو • • كل ده
ماشى خطة خلاص • • التدريب ماشى • •

رحت حضرت فى القيادة العامة .. تخته الرمل .. ميدان
المركة فى تخته رمل قد عرض الترابيزة دى كده والطول ييجى
عشره متر .. محطوط عليها كل شىء .. فى سناء اللى هايشوا
عليها قواتنا حسب الاصول العسكرية .. وقام القادة كل واحد
نرح لى المهمة بتاعته .. وهاتقدم منين ويطلع فين .. وكذا كل
حاجة ماشية على أحسن ما فى العلم العسكرى وأحدث ما فى العلم
العسكرى ..

يوم ٥ يونيو .. زى عادتى طلعت أمر على القوات المسلحة ..
الجماعة لما اسماعيل عقد الصفقة معاهم فى فبراير خدوا فبراير
ومارس .. بعثوا فى مارس وابريل .. بعثوا جزء واحتجزوا الجزء
الباقى على ايه ، وما يروح بريجنيف يزور أمريكا فى مايو لان
كان المرة دى بريجنيف هو اللى رايح الولايات المتحدة .. حجزوا
جزء على التقليد اياه ، حجزوا وأنا عارف انه مافيش فائدة الا بعد
الزيارة سكت .. يوم ٥ يونيو .. طلعت أمر على القوات المسلحة
زى عادتى كل سنة كنت فى ٥ يونيو بأمر على القوات المسلحة وعلى
الجبهة وعلى الخط .. وكانت الحقيقة ٥ يونيو ٧٣ دى فرصة
عشان أدى الاوامر النهائية للقادة .. لان الخطة زى ما قلت لكم
اكملت نهائيا .. تماما وصدقت عليها لاسماعيل .. يوم ٥ يونيو
وأنا فى مطار القطامية .. أول الرحلة بتاعتنى وأنا طالع .. جامع
الطيارين وقاعدين فى ملجأ من بتاع الطيارات وبأكلم الطيارين
على الموقف وبأشرح لهم وبأدبرهم يعنى — توجيه من بعيد عشان
يكونوا جاهزين .. لكن القادة كنت باتكلم معاهم بوضوح



كامل .. وعشان ما تتبرش حاجة وشرحت لهم الموقف السياسى
 والموقف العسكرى .. وكذا .. وكذا .. وكذا .. وأشترتهم
 ان احثا هاتحرك السنة دى .. أنا قاعد فى مطار القطامية باتكلم
 معاهم .. والا بيعجى تليفون مستعجل فأنا كان أثناء الحديث
 بتاعى مع الطيارين قلت للمشير اسماعيل قلت له رد على التليفون
 وشوف ايه .. جولى قالوا لى أنت مطلوب .. كملت أنا مع
 الطيارين وقلت له شوف ايه .. قال السفير السوفيتى عنده رسالة
 عاجلة عاجز ييلفها لك .. قلت له خذها منه .. كلمه وخذها منه
 .. لان أنا ها أكمل مع الطيارين وها اطلع أكمل على الخط ..
 خذ الرسالة منه ولما نرجع .. الدنيا ما واحتش يعنى ..

راح اسماعيل الله يرحمه أخذ منه الرسالة *

الرسالة .. قال له والله أنا كنت عايز الميعاد عاجل جدا ليه ..
لان الاتحاد السوفيتى قرر انه بيعت رئيس الاتحاد السوفيتى
بودجورنى للزيارة هنا .. ويعنى خبر عظيم جدا وشئ يعنى مهم
جدا خطير .. لان دى بادرة كبيرة جدا من الاتحاد السوفيتى
ناحيتكم .. وايه رأيكم فى ١١ يونية .. يجى يزوركم .. جالى
اسماعيل .. خلصت مع الطيارين طلعتنا فى السكة .. قال لى
الرسالة هى كيت .. وكيت .. وكيت ..

بودجورنى قبل كده صرح وهو فى زيارة لتركيا .. هاجم العرب
والقوات المسلحة العربية .. وطلع الكلام فى مجلة امريكية
وما تفاهش الاتحاد السوفيتى .. ويتكلم عنا بأسوأ ما يكون
الكلام .. وده اللى كان جالى عقد معايا المعاهدة .. وكلامه اللى
قاله لى أربعة أيام ما حصلش .. بل حصل السلسلة اللى جرت
وسمعتوها دى كلها .. قلت لاسماعيل رد عليهم وقول لهم ..
أنا آسف احنا مشغولين فى الفترة دى .. كملت الرحلة بتاعتى
ورجعت .. ضافها دى الاتحاد السوفيتى ، ضافها على المتاعب .
جينا فى صيف ٧٣ خلاص بنجهز .. زى ماقلت أنا قبل كده ..
سافرت للسعودية ولقطر وانتهيت فى سوريا فى بلودان وحددنا
يوم ٦ أكتوبر أنا والرئيس حافظ .

ورجعت هنا .. جه مؤتمر عدم الانحياز فى سبتمبر سافرت له
وهيأت الجو كله .. فبقى الجو للمركة عريا وافريقيا ودوليا
وعدم انحياز الكل جاهز ومعانا ويؤيدنا بقرارات فى غاية القوة .

□ في أغسطس .. اجتمعت بالرئيس حافظ الأسد في بلودان
واتفقنا على تاريخ المعركة .. ولقو ٦ أكتوبر .

□ عفوة عن الطلبة ، وأعدت الصحفيين .. لأن كل شيء
أعد للمعركة ، وتصور البعض أنني أتقصر ..
وأعمل مصلحة وطنية .

□ ومار ٦ أكتوبر .. وفوجئ العالم كله .. ونسف أولادنا
الأسطورة التي خدعت العالم ٢٥ سنة .

□ الذين يهاجمون مصر الآن .. لم يردوا على سؤال
هل صحيح أن سوريا طلبت وقف النار ٣ مرات
في اليوم التالي للمعركة ؟

□ الزعماء السوفييت أطلعوا وزير خارجية مصر على نصوص
طلبات سوريا بوقف النار .

□ عندما قبلنا وقف النار في ٩ أكتوبر .. كنا بين نارين
كنا نحارب أمريكا وإسرائيل أمامنا .. وكان السوفييت
وراءنا يطمعون ظهرا .

□ سوريا بدأت المعركة وراكل مدفع مه ٨ إلى ١١ خط
ذخيرة .. ومصر بدأت وورار بعصه مدافعنا خط
ونصف خط ذخيرة .. وخطان فقط !

□ الاتحاد السوفيتي عاتب عبدالناصر ولم يرسل لنا
ذخيرة مه عام ٦٩ ، إلا في أكتوبر ٧٣ !

□ الاتحاد السوفيتي يريد ضرب مصر بسوريا كما فعل مع
صالح جديد في سوريا لضرب عبدالناصر .

□ أبلغني السوفييت رسميا في مايو ٦٧ أن إسرائيل
هشت ١١ لوار على حدود سوريا .

□ هذه طريقة الاتحاد السوفيتي عندما ضرب مصر بالعراق
في عهد عبدالكريم قاسم .

□ دخلنا المعركة .. كسبنا أرضا .. ولم نتزعزع عن
برصة واحدة من الأرض المحررة .



في أغسطس هنا انعقد المجلس الأعلى لأول مرة بتاع القوات المسلحة المصرية - السورية .. عملنا للقوتين مجلس أعلى ولحد اجتماع في أغسطس هنا علشان يشوف .. وتفاصيل هذا المجلس .. بعضا تفاصيل عسكرية متقالتش .. انما بعدها رحت أنا للرئيس حافظ واتفقنا في بلودان على تاريخ المعركة أنا وهو ٦ أكتوبر .. ورجعنا ..

في ذكرى عبد الناصر في ٢٨ سبتمبر زى النهارده بقى من سنتين في ٧٣ أنا قلت لكم بعد ما قدمت الخطة الدفاعية وإطمانيت .. أنا ما كنتش بانام .. لما قالوا لى الخطة الدفاعية مكشوفة ما كنتش بانام لأن اليهود شايفينا أهوه .. يقدرُوا يعملوا أى حاجة في الضفة الغربية ويقدرُوا يتعبونا .. زى ما قلت لكم لا ٣٠ نوفمبر أخذت التزام ان الخطة الدفاعية تمام رحت على مجلس الشعب في ديسمبر وخطبت والطلبة المشاغبين اللي هم قايمين بالخطة دى مسكناهم .. وحطيناهم قدام النيابة .. في يناير كلمت الصحفيين وقلت لهم كفاية بقى .. نعتوني ..

وسأوتوا سمعة بلدكم أنا ميهمنيش اللي يتكلم في حاجة .. أنا
ما حدش يسوى سمعة بلدة .. شيلت ١٢٠ صحفى .
ماوديتهومش بقى على مؤسسات الدواجن زى ما حصل قبل
كده .. لأ وديتهم الاستعلامات ..

وماقطعتش عيشهم .. أنا بس كان عقاب أدبى انه عيب لموا
نفسكم .. ليه .. لان أنا في معركة .. وفي موقف محتاج لكل
انسان في البلد يقف معاها .. يقف مع بلدة فيه .. مش معايا
لشخصى .. لأ مع بلدة .. جيت أنا في ٢٨ سبتمبر ٧٣ قلت
الصحفيين كلهم يعودوا لجرايدهم .. الطلبة كله سماح .. انتهى
كل شىء ويعودوا لجامعاتهم .. وان كان فيه أحكام والا حاجة
.. غفو .. واتهى في هذه القاعة من سنتين .. ووقتها برضه
حصل الاجتهاد من البعض .. ماهماش عارفين ان المعركة فاضل
لها أسبوعين أو ثلاثة .. اللي حصل اجتهاد من البعض وقالوا
أن الرئيس السادات بيتقهقر وعاملها بقى دى مصالحه وطنية مع
الاولاد المشاغبين يعنى .. ومع الناس اللي يكتبوا ضد بلدهم .

المهم .. جه ٦ اكتوبر .. وفوجىء العالم كله بما وقع في ٧٣
.. أولادنا مش بس عملوا انتصار .. مش بس اقتحموا
القناة .. واقتحموا خط بارليف .. لأ .. أولادنا نسفوا
الاسطورة التى عاش عليها العالم ٢٥ سنة الى ذلك الوقت .. أن
اسرائيل قوة لا تقهر .. وانها .. وانها .. والنزور الاسرائيلي
الرهيب .. أولادنا نسفوه نسفا كاملا يوم ٦ أكتوبر وكمّلوا في
بقية الايام .. وقرأتم أتمم الاجزاء عن المعركة . وفي أكتوبر
حيكتب كمان أكثر وأكثر .. سمعوني اكلمت عن ايقاف اطلاق

النار .. ويرضه هنا علشان الجدل اللي قايم به بعض اخواتنا في حزب البعث السوري أو من الفلسطينيين .. أو من أى مكان آخر .. بأحب أرد عليهم ، انه لما أوقفنا اطلاق النار .. وأنا حكيت القصة .. أنا من أول يوم في الحرب يوم ٦ أكتوبر .. زى ما حكيت .. الساعة ٨ مساء بعد المعركة بست ساعات جه لى السفير السوفيتى وقال سوريا طالبه وقف اطلاق النار من قبل المعركة يومين طالباه ٤٨ ساعة بعد بدء المعركة .. السؤال ده ما اتردش عليه لغاية النهاردة .. وأنا باسمع العالم العربى كله .. ليه .. هل الاتحاد السوفيتى بلغنى هذا الكلام كان صح والا كان غلط ؟ .. ما اتردش عليه أبدا من الاطراف اللى بتهاجم مصر النهارده .. الاتحاد السوفيتى لما راح اسماعيل فهمى بعد ذلك وقابل بريجنيف .. بريجنيف قال له اتفضل آدى ٣ طلبات رسمية من سوريا جت لى علشان وقف اطلاق النار .. كمان الاتحاد السوفيتى مشهد تيتو .. لانه طلبوا تيتو وقالوا له كلم صديقك السادات لانه سوريا طالبه وقف اطلاق النار ومصر رافضة .. فالزيادة علينا فى وقف اطلاق النار مافيش داعى للكلام فيها ولا نخوض فيها ولا بنقبل المزايدات ولا الكلام ده فيها ..

انما اللى عايز أقوله .. انه .. لما أخذت قرارى يوم ١٩ ان احنا نقبل وقف اطلاق النار .. الجزء بقى اللى أنا أخفيت وماقلتوش .. علشان يسمعوه اخواتنا قادة البعث فى سوريا .. الجزء اللى أنا أخفيت وماقلتوش ان انا كان قدامى الامريكان واليهود .. وامريكا بقوتها وبأسلحتها الجديدة التى لم تستخدم ولم تخرج خارج امريكا بعد .. ولسه يدربوا عليها الجيش.

الامريكى .. جابوها بخبرائها ودخلوا ضدى المعركة بيها .. ده
أيام الثرة ..

الجزء الثانى اللى أنا أخفيته ومش راضى أقوله وعمال بس
أحاول أقفل علشان نحافظ على صداقات ونحافظ على معانى ..
ونحافظ على أخوة .. الجزء الثانى كان انه زى ما كان أمريكا
واسرائيل قدامى .. كان فى زهرى الاتحاد السوفيتى ..
الكوبرى اللى جه كان فيه ذخيرة - اللى لابسين قميص
عبد الناصر النهاردة - كان فيه ذخيرة متأخرة من سنة ٦٩ عاقبوا
عبد الناصر وما بعثوها لوش لانه ماسممش كلامهم ووقف حرب
الاستنزاف .. قاموا عاقبوه ومارضوش بيعتوها .. ماجاتيش
الا فى الكوبرى الجوى .

بدأت المعركة .. واسمعوا يا اخوانا فى سوريا . بدأت المعركة
ووراء المدفعية بتاعتى .. وراء المدفع فيه تعبیر عسكرى يقول
خط ذخيرة واثنين وثلاثة ..

سوريا بدأت المعركة ووراء كل مدفع من ٨ الى ١١ خط ذخيرة
.. أنا بدأت المعركة ووراء بعض مدافعى خط ونصف خط وخطين
ذخيرة .. لان الاتحاد السوفيتى من ٦٩ مانع .. ويبعقب
عبد الناصر اللى يتكلم عليه النهاردة ويمجده ..

عاقب عبد الناصر ومارضاش بيعت له لان عبد الناصر مشى
حرب الاستنزاف وماسممش كلامهم ووقف فيقولوا له طيب
.. مانبتلكش ذخيرة .. من ٦٩ ماجاتش الا فى الكوبرى الجاى
٥٠ ٧٣

أخواننا العسكريين في سوريا يعرفوا الحقيقة دي .. يعرفوا
ان اسماعيل الله يرحمه .. في اللحظات الحرجة اللي كان عندنا
نصف خط وخط وراء المدفع بس قبل المعركة مباشرة بعتنا طائرات
استلقناها من سوريا رسمياً .

لما نسمع التفاصيل دي كلها والكوبري أبو خمس ساعات واه
وا .. وا .. وبعدين نعرف ازاي اقتحمت القناة .. وخط بارليف
وده كله لازم نخط أولادنا في القوات المسلحة في عيننا الي
الأيدي .

بعد قرار الخبراء الروس ابتداء الروس في ٧٢ يدلعوا سوريا
هو كان عندهم عملية - التاريخ بيعيد نفسه - قبل ٦٧ - برضه
الاتحاد السوفيتي غاوي يضرب الانظمة في بعضها .. الانظمة
العربية .. احتضنوا صلاح جديد في سوريا وحتى صلاح جديد
جابهلهم واستعار منهم كلمة الرفيق .. وبقي الحزب بتاعهم يسمى
الرفيق ..

وابتدوا يضربوا مصر بسوريا .. أنا كنت في الاتحاد السوفيتي
يوم أول مايو ٦٧ ، وحضرت الاحتفالات هناك ، وقابلت القادة
السوفيت ، يوهما كانوا ييضربوا مصر بسوريا ، ويقولوا بقي
سوريا هي حزب البعث اللي طالع وهو اللي حايجر الامة العربية
ويغيظوا عبد الناصر اللي لابسين قميصه النهاردة ، وبلغوني
رسمي في مايو ٦٧ وأنا هناك وأنا رئيس مجلس الامة بلغوني
رسمي أن اسرائيل حاشدة عشر لواءات أو حذاشر مانيش فاكر
.. عشرة أو حذاشر على سوريا .. سوريا البطلة المجاهدة
الوحيدة اللي واقفة في الميدان لوحدها .. طبعا .. سوريا عزيزة

علينا .. لما يتقآن حاشدة .. مانسكتش وقت ما هم ييلفونى ..
بأبلغه لعبد الناصر هنا ..

ده الكلام ده فى مايو ٦٧ أنا أحد شهوده مانيش عايز أتكلم
بقى على اللي جرى بعد ذلك لانه أنا - اللجنة بتاعة حسنى ان
شاء الله - اللي حاتبدأ فى القريب - حاتملن لكم وحاتبدأ ،
حتاخذ تحقيق هذا كله .. يومها كانت الحكومة السوفيتية
مدلعين البعث ويضربوا مصر بسوريا .. على طريقتهم، زى قبل
كده ما ضربوا مصر بالعراق ، والعراق بمصر .. أيام عبدالكريم
قاسم ، هم عادتهم كده .. فأياهما كانوا - التاريخ يعيد نفسه
تماما - بعد قرارات الخبراء السوفيت .. انهالت الاسلحة على
سوريا .. انهالت لدرجة انى باقول لكم .. ان ابتدينا المعركة
ووراء كل مدفع سورى من ٨ - ١١ خط ذخيرة .. أنا ابتديتها
- باقول - وكان عندى خط ونص خط وثلاثة للمدافع ..
ودخلت المعركة ، وكسبت أرض وما اتزحزحتش بوسة من كل
بوسة خدتها فى سيناء ..

نفس العملية بيكرروها النهاردة .. عايزين يضربوا مصر
بسوريا برضه .. وحافظ الاسد بالسادات زى ما كانوا ييضربوا
صلاح جديد بعبد الناصر .. هى نفس العملية موش جديدة .
الاتحاد السوفيتى - أنا قلت لكم - وأنا باخد قرار وقف اطلاق
النار .. أنا خدته ليه . لأنه زى ما كانت أمريكا قدامى
.. كان فى ظهري الاتحاد السوفيتى وخايف منه زى ما أنا خايف
من الامريكان تماما ..



ودخلت .. ووقفت .. واللى حسبته لقيته .. طلعت من
المركبة ، ١٤ شهر مايغتليش قشاية ، ١٤ شهر ، وسوريا تفقد
دباباتها كلها ومعظم سلاح طيرانها .. ينفوض لها جميع دباباتها
وجميع طائراتها .. قبل وقف اطلاق النار في ٢٢ أكتوبر .. قبل
وقف اطلاق النار تتعوض الدبابات والطائرات .. أنا - الى هذه
اللحظة - وادى احنا النهاردة في سبتمبر ٧٥ ، ما جانش
استمواض حته سلاح واحدة .. اطلاقا .. الى جاني في يناير
الماضي .. من عقود كانت تستحق الاداء في ٧٣ و ٧٤ ، ماجاش
حتى في الكوبرى الجوى في ٧٣ ، وماجاش في ٧٤ ، ومع ذلك
ما كملوهاش لغاية النهاردة .. بتعوا جزء ، وراحوا واقفين عند
الجزء الاساسي لغاية تاريخه ..

أنا باسمك الكلام ده لحزب البعث السورى علشان يعرف .
 أنا مايتش على رجلين الروس زيهم .. أنا هنا من وقت قرار
 الخبراء السوفيت ، واضح انه قرارى هنا فى مصر .. أنا موش
 قلت لهم الكلام ده يس للخبراء لا .. من يوم واحد واثنين
 مارس .. أول زيارة لى فى ٧١ لهم . قلت لهم هذا الكلام وجيت
 هنا قلته للجنة العليا ، قلت لهم أنا لا أقبل قرار فى مصر الا قرار
 مصرى .. قرارى أنا .. وقرار شعبى .. ما فيش قرار أجنبى
 أبدا .. زى ما حسبت لقيت .. سابونى ١٤ شهر .. لولا
 بومدين .. الله يكرمه .. سافر أثناء المعركة واشترى لنا دبابات

□ تركنا السوفييت في الشفرة .. لولا نجدة بومدين
بـ ١٥٠ دبابة ، ويتوب ١٤٠ دبابة و ١٠٠ دبابة
كانت عندها من ليبيا .. واستردتها الآن .

□ عرف السوفييت من الرئيس الأسد موعد المعركة .. فاخفت
فجأة باخرة سلاح كان مقررا وصولها يوم ٥ أكتوبر
ولم تظهر إلا بعد خمسة أيام .. بعد أن تكادوا
من انتصارنا ..

□ نقلنا الفرقة ٢١ إلى الشرو ، بعد أن استعجلت سوريا

□ كنا في معركة .. لم تكن ناعمين . في اليوم الرابع تحولت
مع دبابة إسرائيلية إلى أشلاء . دخلنا أكبر معارك
دبابات في التاريخ .

□ اتفقت مع كيسنجر على ذلك الاشتباك في سوريا
وتحدد خطه منذ نوفمبر ٧٣ مثاماً نفذ تماماً ، قبل
أن يحدث أي فلك اشتباك في مصر في يناير ١٩٧٤ .

□ جهارت مباحثات فاك الاشتباك الثاني في مصر.
وردد البعث السوري كل ما رده عندك الاشتباك
الأول .. هل منفرد .. وخرجهنا من المعركة .. وكل
هذه الأقاويل .

□ ثم فوجئوا أن مصر رفضت !

□ التقيت بعد هذا ، بالرئيس الأسد وعاتبته
وشرحت له كل شيء .. ومع ذلك .. قامت
القيامة مرة أخرى عندما حدث الانسحاب الثاني !

□ الاتفاق الذي عرض على الملك حسين وأعلن في مؤتمر
الرباط هو مجرد مرور بين مستعمرات إسرائيلية .. وليس
انسحاباً من أرض .. ولا أصدر أن الرئيس الأسد
هو الذي يقول أن اتفاق سيناء يشبه مشروع الأردن

□ الملك حسين أعلن المشروع المعروف علينا أماننا جميعاً
الملك حسين وأنا وحافظ الأسد ولا سرعقات .

□ أرى أن تكون هذه الأقوال منسوبة إلى الرئيس الأسد
لأنني أعرف أن الأسد رجل صادق .



■ ■ ما كانش بتوا لى .. لكن الدبابات اللي نجسدتنى بسرعة
علشان الثغرة .. أبو مدين بـ ٢٥٠ دبابة ، تيتو بـ ١٤٠ دبابة
.. آدى ٣٠٠ تقريبا و ١٠٠ كانت لييبا خدناها منها
كانت عندنا .. خدناها .. استردوها تانى .. معلش ..
استردوها لكن — يعنى نذكر لكل واحد — اتنا موضوعين ،
ونذكر لكل واحد موقعه يعنى فى أقل وقت ممكن كان عندى
حول — الثغرة — ٤٠٠ دبابة ، لو كان عندى ١٠٠ دبابة منهم
وقت الثغرة كانت خلصت الثغرة من زمان .. قوى .. لكن ٤٠٠
دبابة وبعدين .. فى .. على ما بت لى الاتحاد السوفيتى بعد
ايقاف اطلاق النار .. وبعد الاختراق على السويس اللي حاولوه
اليهود وبعد ده كله ابتدوا يبعثوا الدبابات بالضبط .. زى
ما حصل فى مركب كانت ميعادها — باعطينا — حاتوصل فى
يوم خمسة أكتوبر .. سنة ٧٣ يعنى قبل المعركة بيوم .. قال
.. لما عرفوا من حافظ الاسد ان المعركة يوم ٦ ، المركب ادت
خبر لميناء الاسكندرية حاتوصل الجمعة ٥ أكتوبر كانت بقدرة
قادر .. المركب فى البحر الابيض ، لما عرفت ، وهناك .. بعد
ما ظهر ان احنا انتصرنا .. فى اليوم الخامس أو السادس ..

بقدرة قادر .. المركب عرفت طريقها ودخلت ميناء الاسكندرية
 بعد ما تاهت في البحر ٥ أيام .. هو ده أسلوب الاتحاد السوفيتي
 مغايا ده .. أنا يا حب أسمعه لحزب البعث واسمعه للامة العربية
 كلها علشان يعرفوا أنا باخد قراراتي ازاي .. وأتم تعرفوا أنا
 باخد قراراتي ازاي .. وتعرفوا القصة من أولها لآخرها ..
 جالي كيسنجر هنا .. الدور ده بقى لما جاني .. ما جالشي يقول
 لى الكلام اللي قاله لحافظ اسماعيل واللى بعته للاتحاد السوفيتي
 .. أقول له تعالى تتكلم نشوف ايه الكلام اللي يتقال ده ..
 واللى ما عجبنيش .. المرة دى لا .. فى نوفمبر جالى .. وقال
 لى أتم غيرتم الموقف .. بالمعركة .. يبقى لا بد يكون فيه سلام
 عادل .. سلام يقوم على العدل .. احنا تحت أمرك .. ايه اللي
 انت عايزه .. قلت له الشجرة دى لازم تتشال .. والا أنا عايز ،
 والا أنا عايز أشيلها ومن فضلكم ابعدوا عني .. وأنا هاشيل
 الشجرة ، أو رجعلي خط ٢٢ .. قال لى لا .. عملنا النقط الستة
 وانه خط ٢٢ فى اطار فض اشتباك وقال لى انت عسكري وعارفه ..
 وبعض اخواننا فى حزب البعث فى سوريا بيتكلموا على الشجرة ..
 يسألوا يشوفوا أستاذهم الجنرال (بوفر) بتاع فرنسا كتب
 عليها ايه ؟ سماها المعركة التليفزيونية ..

ده مدير معهد الدراسات الاستراتيجية بتاع فرنسا كلها ..
 الله يرحمه توفي .. كتب عليها وقال دى معركة تليفزيونية لما
 يبقى داخلين من مسافة ٦٥ كيلو بين جيشين واقفين فى سيناء
 ما رجعوش بوصة من مكانهم مدخلهم ٦٥ كيلو بس طب ما هو
 يوم ما تنتهى المعركة ويقتلوا الجيشين وأقتل أنا من عندي فى
 الغرب خلصوا نهائيا .. ما انكسرش الخط لأ ده كان ثغرة تسلل

وحصل أخطاء ما فيها شك بتحصل في كل مرحلة وما فيش حاجة لكن ما وصلتش يعني الى الدرجة اللي تخوف ولا القاهرة كانت مهددة ولا حاجة .

المركة التليفزيونية أنا عارفها وعارف أساسها ودى ملهاش أساس استراتيجى خالص .

دول عايزين يوازنوا الموقف وحكيت لكم قصتها ان الامريكان لما شافوا قوة الفرقة ٢١ نقلت من الغرب للشرق ويصوروا ، واحوا موديين الصور لليهود وقالوا لهم الحقوا بسرعة وازنوا موقفكم مع مصر لان كانت هزيمة كاملة قدمنا في وقتها .

والفرقة ٢١ نقلتها الشرق علشان سوريا استعجلتنا .

الى يحكى وزيرهم .. استعجلنا وما كانش لسه المرحلة الثانية تيجى لان احنا في معركة ما احناش نايمين .. احنا ما كناش اتصرنا احنا كنا في معركة وفي رابع يوم كان فيه ٤٠٠ دبابة لاسرائيل اشلأ قدامنا .. ومعارك دبابات .. اكبر معارك دبابات في التاريخ .. كيسنجر قال لى .. لا .. لا .. هو دخلت تصفى هذه الشرة خنخش ضدك .

طب والعمل ؟ أنا مش عايز أحارب أمريكا ..

وأنا أصلى عارف موقف صديقى الثانى اللي واقف ورايا ، واضح ، يعنى يبقى شعبى وولادى فى القوات المسلحة اللي يياخدوا الامر يندفعوا فى ٦ أكتوبر زى البركان بايمان واندفاع وعقيدة وعنف .. أضحى بالناس دى ازاي .. وأضحى بشعبى ازاي ؟ وده ورايا وده قدامى ، قال بنجيب لك خط ٢٢ فى اطار فض الاشتباك ، قلت له .. أنا قلت له .. مش عايز فض الاشتباك ، أنا عايز خط ٢٢ ، خط ٢٢ ده مقتل ، الى أنا وقتهم

عليه .. اللي وقتت أمريكا عليه .

اللى يتكلموا على الثغرة .. زى ما باقول .. يقرأوا شوية
ويقرأوا الجنرال (بوفر) مدير معهد الدراسات الاستراتيجية
بتاع فرنسا ، وهمه كان هناك كثير منهم يتعلموا هناك فى فرنسا
من يوم ما جاني بقى كينسجر وعملنا النقط الستة .. ابتدينا
.. وقال لى الموقف تغير .. اللهجة اتغيرت .. قابل حافظ
اسماعيل فى فبراير ٧٣ قال له : خليكم واقعيين ، أتم فى وضع
هزيل ، ما تطلبوش المستحيل منا لان احنا بنشتغل على الواقع ..
فى أكتوبر ٧٣ لما جاني .. أوائل نوفمبر ٧٣ ، لما جاني قال لى
لا .. أتم غيرتم الوضع .. أتم قاتلتم .. أتم النহারدة
.. تتكلم عن السلام العادل .. أدى سر التحول فى موقف
أمريكا اللى ميش قادرين يفهموه من اخواتنا العرب اللى لسه
بغبنات عمالين يقولوا الامبريالية والاستعمار .. وكذا ..
ودول عمرهم ما يقدروا عملوا حاجة .. الله !! طيب ما امبريالية
واستعمار لكن بيقولك يا أخى عايز أحل وياك .. وماشى معاك
بشرف .. تمشى معاه ولا لا .. وبعدين ده طرف رئيسى .. ان
ما كنش هو الطرف الرئيسى فهو طرف رئيسى فى المشكلة ..
تجاهله ازاي وانت رجل سياسة عايز تحل مثل هذه المشكلة ..
أنا باحل على الواقع .. وباشتغل بعقل وبحساب .. لاني
مطلوب منى ده أمام بلدى وعلشان على الاقل أحترم نفسى
شوية وأحترم تفكيرى وأحترم عقلى قبل ما أكلم الناس .. وقبل
ما أجر شعبي لاي حاجة ..

مشينا .. تم فض الاشتباك الاول .. وزى ما سمعتونى فى
الخطبة دكها .. قامت قيامة سوريا .. انعقاد مؤتمر جنيف الاول

.. قالوا ده .. الانعقاد ده بسى صورة وواجهة علشان الاتفاق
 اللي حصل بين أمريكا ومصر اتفضح خلاص .. جاء جنيف
 وفات ، قام ما حصلش حاجة .. قالوا لا ده فض الاشتباك
 اتفاق ومصر خرجت من المعركة .. زى الكلام اللي يقولوه
 دلوقتى تماما .. نهاجم . وبعدها بشوية عملوا هم فض اشتباك
 هم الآخرين وزى ما حكيت وكلكم سمعتم والامة الرئيسة
 سمعت ، جاب لهم أنا فض الاشتباك والخط بتاعهم من قبل
 ما يتعمل عندى حاجة على الجبهة المصرية على الاطلاق ، أى فى
 نوفمبر ١٩٧٣ ، علما بأنه فض الاشتباك عندنا ما تمش الا فى يناير
 ١٩٧٤ ما حدث بعد يناير ٧٤ حدث فض الاشتباك ، وأنا حكيت
 لكم الفترة دى كلها .. دخلنا فى سنة ٧٥ ، جه فض الاشتباك
 الثانى اللي جه كيسنجر وفشل فيه فى مارس .. برضه قبله قالوا
 للدنيا ان مصر اتفقت اتفاق منفرد .. وحل منفرد .. وخرجت من
 المعركة و .. و .. و .. وبعدين صبحوا الصبح ، فوجئوا كلهم
 أن مصر رفضت ، قالت لا .. ما حصلش اتفاق ، وحصل ان
 كيسنجر رجع وأعلن فشله فى مهمته وعرف العالم كله ..

وبعدها التقيت بالرئيس حافظ الاسد وعاتبته فى هذا ..
 وشرحنا كل اللي شرحته لكم ده بوضوح .. ما فيش قيادة ..
 جت رحلة سالزبورج وقابلت قورد .. ورجعنا هنا .. وجه
 كيسنجر للمرة الثانية عمل فض الاشتباك .. راحت قيادة
 الزعوبة تانى . وقامت القيامة تانى .. مصر خرجت من المعركة
 .. ثقل مصر .. دلوقتى سوريا زى ما ورد دلوقتى ناسين كلام
 للرئيس حافظ الاسد .. أرجو انهم يكونوا ناسينته له ..
 ليه ؟ .. لان أنا أعتزم هذا الرجل اللي حطينا اليده فى ايدين

بعض .. وخذنا قرار ٦ أكتوبر رغم ارادة الاثنين الكبار ..
لأول مرة في التاريخ العربى يوقفوا اثنين رؤساء ويحفظوا ايديهم
في ايدين بعض .. لكن للأسف — حزب البعث ميش عايز يكمل
.. وميش عاجباه هذه .. أنا باحترم الرجل لغاية النهاردة
علشان هذا الموقف وعلشان كده حاتكلم على هذا .. وأرجو
أن يكون الكلام ده اتنسب له .. ليه ؟ لاني هاحكى خلفيته
اللى لازم تسمعها الامة العربية لاني أنا قلت : أنا مش حارد على
حاجة ، لكن كل شىء حاحط قصته الحقيقية قدام الامة العربية.
وحاسب الامة العربية تحكم .. قامت القيامة ، ومصر خرجت
من المعركة ، ومصر اشترت حته أرض بقضية فلسطين ، وقاموا
الفلسطينيين ، بالظبط زى ما هاجموا عبد الناصر .. النهاردة
حزب البعث بيدافع عن عبد الناصر ، ولايس قميص عبدالناصر
اللى هاجموه ، ولم يهاجم طيلة حياته بأسوأ وأشنع مما هوجم به
من حزب البعث .. النهاردة يقولوا هما والاتحاد السوفيتى
عليه .. الناصرية ..

وصلنا للمرحلة اللى احنا فيها النهاردة . اللى أنا عايز أقولوه
لكم النهاردة .. انه مع المعاناة اللى حكيتها لكم دى كلها من
العرب .. من الداخلى قبل المعركة .. من بعض العناصر عندنا
.. أنا خييت أحط الصورة قدامكم بتاعت الخمس ستين كاملة
علشان تبقى الصورة واضحة وأسلمكم المسئولية كاملة، وتعرفوا.
فاضل حته صغيرة .. مش ممكن أعدى قبل ما أعدى عليها
لاني أنا ما باردش على حد .. لكن الرئيس حافظ — زى ماقلت
لكم — عزيز على .. لازم أصحح له اللى منسوب اليه .. لاني
أنا مش مصدق برضه انه قال .. ولو انه يقولوا هنا انه قال .

انما ما أعتقدش لاني أعرف الرجل صادق .. كان معايا صادق فعلا .. يقول الرئيس حافظ الاسد في حديث نشرته اليوم صحيفة القبس الكويتية أن مصر يمكن أن تلتقي اتفاقها مع اسرائيل .. كما فعل النحاس باشا بالنسبة للمعاهدة اللي وقعها مع الانجليز .. وقال الرئيس السوري ان المخرج الوحيد للموقف الذي يوجد فيه العرب حاليا يكمن في أن تمسك مصر الجملة التي قالها النحاس باشا في الماضي .. فتقول : من أجل مصر ، ومن أجل العرب .. نعلن الغاء هذا الاتفاق .. لغاية هنا برضه أنا باستعجب انه يصدر على لسان الرئيس حافظ الاسد هذا .. لانه أنا عمري ما نصحته في شأن بلده ولا حزب البعث بتاعه ولا في حاجة أبدا .. اطلاقا .. يعنى الناس كده طول عمرها بلغت الرشد من زمان .. قوى .. فباستغرب ، لكن مش ده جوهر الموضوع ..

من ناحية أخرى .. قال الرئيس الاسد ان الاردن رفض اتفاقا شبيها بالاتفاق المعقود بين مصر واسرائيل .. لانه لم يكن يحتوى الا على انسحاب اسرائيلي من بضعة كيلو مترات في الضفة الغربية تبعا للشروط المنصوص عليها في اتفاق سيناء .. يعنى الملك حسين اتعرض عليه اتفاق زى اتفاقنا بالضبط .. وبالشروط اللي جات قال في اتفاقنا .. فرفض الملك حسين .. هنا بقة .. لانه - أنا برضه باقول ان ده منسوب لحافظ الاسد لان الحقيقة غير كده ..

بحكى القصة لامتنا العربية ..

الاتفاق اللي اتعرض على الملك حسين ايه ؟

الاتفاق لا بد - الكلام هنا عن اللي تم قبل مؤتمر القمة

بالرباط .. العام الماضي .. ليه ؟ .. لسبب بسيط .. انه بعد مؤتمر الرباط الملك حسين ما يقدرش يقول انه اتعرض عليه اتفاق أبدا .. لانه أصبح غير مسئول .. مسلم معانا جميعا مسئولية القضية الفلسطينية للفلسطينيين .

طيب .. يبقى اذن هذا الاتفاق لا بد أن يكون اللي كان قبل مؤتمر الرباط ده قصته ايه .. هل ده شبيه بالاتفاق المصرى زى الكلام اللي منسوب .. وأرجو أن يكون منسوب لحافظ الاسد مش كلامه .

لا .. أحكى القصة ..

فى مؤتمر الرباط اتشكلت لجنة خماسية من الملك الحسن والملك حسين وأنا وحافظ الاسد وياسر عرفات .. وكلهم سامعنى على الميكروفون دلوقتى زى الامة العربية ما هى سمعانى .. هذه اللجنة الخماسية قعدنا عشان نشموف أوضاع نحل مشكلة المقاومة مع الملك حسين ..

أنا كان من رأيى .. وفى اسكندرية هنا عام ٧٤ لو تذكرنا لما جانى الملك حسين فى الصيف وعملت الاعلان ، أنا كان من رأيى ان الملك حسين يستطيع انه اذا اتفق مع الفلسطينيين وبرغبة الفلسطينيين على شكل علاقة محددة ، كان رأيى أنه يقدر يجيب لهم أرض يستلموها ويرفع عليها علم فلسطين .. وما خبيتش هذا .. قلته .. وعملت بيانى أنا والملك حسين .. فرحنا مؤتمر الرباط وسلمناهم كل العملية ..

والغريب انه قامت قيامة الفلسطينيين يومها ، وأنا متفق مع الملك حسين وأعلننا ان الضفة الغربية وديعة عنده زى غزة ما هى وديعة عندنا فى مصر .

من كام اسبوع .. اتم سامعين .. وحصل قيادة مشتركة
بين سوريا والاردن وما سمعناش فلسطيني لا زعق ولا هاجم
ولا حاجة .. مواقف غريبة شوية لكن بنعديها .. لكن برضه
يقولوا عارفين ان احنا فاهمين يعني .. اخوانا الفلسطينيين ..
لما قعدنا احنا الخمسة في اللجنة الخامسة أنا قلت الآتي :
قلت انه اذا كان الملك حسين يستطيع يجيب فض اشتباك ولو
على ستيمر واحد .. من الضفة الغربية فلازم يجيبه
للفلسطينيين عشان الفلسطينيين يرفعوا علم فلسطين ..
لا في هذا الوقت زى ما عرفتم ، وسمعتم قبل المعركة
بستين .. قلت : كونوا حكومة مؤقتة .. كان زمانها النهاردة
العالم كله معترف بيها .. قطعت علاقاتي حتى بالملك حسين في
ذلك اليوم علشان خاطرهم .. وفي خطبتي يومها قلت : ان أنا
بأعمل هذا لان جولدا مائير تبادت في الغرور وقالت ان مافيش
حاجة في التاريخ اسمها فلسطين .. ففي اللجنة الخامسة واحنا
قاعدين .. الملك الحسن والملك حسين وأنا وحافظ الاسد وباسر
عرفات .. قلت اذا كان الملك حسين يستطيع يجيب ستيمر
واحد من أرض فلسطين فهو مكسب ، ويرفع عليه العلم
الفلسطيني .. قام - الكلام اللي كان ماشى وقتها ان الملك
حسين هايجب فض الاشتباك .. معروض عليه فض الاشتباك
.. واحنا كنا ، احنا وسوريا ، عملنا فض الاشتباك الاول ..
وفيه ان احنا واخدين أرض .. سوريا خدت الارض اللي
فقدتها عن خط الابتداء زائد القنيطرة .. وأنا خدت أرض حجم
التصاري وقلت مش عايز غير حجم التصاري .. أهوه على
الأرضي حجم التصاري فقط ..

"أيامها قالوا : الملك حسين معروض عليه فض الاشتباك ..
 قلت لهم : ولو ستبتمر واحد معروض لازم يقبله الفلسطينيون
 ويحطوا عليه علم فلسطين .. فتحيا قضية فلسطين من الاول
 وجديد .. قام فاجئنا الملك حسين بالآتى .. قال : ده اللي
 معروض على مش فض اشتباك .. قلنا له : آمال ايه اللي
 معروض عليك .. قال : ده اللي معروض على حل نهائى .. انه
 اسرائيل تدينا مرات ما بين المستعمرات اللي على نهر الاردن ،
 تدينا مرات نخش منها الى مسافة فى الضفة الغربية .. وحل
 نهائى .. قلنا له .. قلت له أنا : لأ ده ما يقاش فض اشتباك
 .. ده يبقى حل نهائى ومرفوض ، شكلا وموضوعا .. قال :
 هو ده اللي اتعرض على .. عندئذ قلنا له لأ ما حد يقبل بهذا
 .. قال : أنا بأرى أن الفلسطينيين يستلموا قضيتهم .. قلنا له
 يستلموا قضيتهم .. ورحنا اللجنة الخماسية راجعين للمؤتمر
 .. الملوك والرؤساء .. وبلغناهم الحكاية .. اذا كان اللي
 منسوب لحافظ الاسد ده حقيقى .. يبقى فيه مغالطة كبيرة ..
 ما أحبش حافظ يقع فيها أبدا لانه طول عمره راجل صادق ..
 اللي تم فى الاتفاقية الثانية هنا .. مش من داخل معرات بين
 مستعمرات اسرائيلية واقعة على نهر الاردن أو واقعة عندى على
 الممرات لأ .. ده أرض كاملة .. يذكر اذا كان ده صحيح
 منسوب لحافظ الاسد .. حافظ الاسد يذكر أنه فقط خط
 بارليف الامامية وخط بارليف كله .. والقناة كلها اكتسحها
 جيشنا المصرى .. مش محتاجة لحاجة ..

بعدها .. بعد هذا .. ما بناخدش معرات .. بناخد خمس
 آلاف كيلو متر مربع من أرضنا .. لا بنمر بين مستعمرات



اسرائيلية زى ما اتعرض على الملك حسين .. ولا بنسر جنب
اسرائيليين ، وانما أرض بتسلم لمصر فيها مواقع استراتيجية هي
الممرات وفيها بترول .. ثروة بتاعة مصر .. مش معروض على
ممرات أخش وأسبب خط آلون على نهر الاردن .. زى الملك
حسين ما قال .. الفرق شاسع .. مش شاسع .. عيب انه يتقال
.. وأمتنا العربية لازم تعرف الحقيقة .. الكلام ده مشوت في
محاضر ، مؤتمر القمة في الرباط .. اللي احنا وافقنا عليه هنا في
الاتفاق الثاني انسحاب اسرائيلي من ٥٠٠٠ كيلو متر مربع من
أرض مصر فيها ممرات استراتيجية وفيها بترول .. مش ممرات
بين مستعمرات .. عيب .

من غير شك أنا بأرجو وأدعو الله أن يكون الكلام ده نسب
الى الاخ حافظ ، لانه أنا مش عايز أفتح معركة مع حد أو مع
حافظ بالذات .. لان أنا قلت الراجل ده حطينا ادينا في ادين
بعض وراجل أنا أحترمه وله قيمته ..

بعد ذلك منسوب له كلام كثير وانه يستطيع أن يعيى مليون جندي وأن سوريا تبذل جهود من أجل أن تعيد بطريقة أو بأخرى التوازن مع اسرائيل الذى أختل على أثر تجريد الجبهة المصرية .. لأ .. الجبهة المصرية ما اتجمدتش .. بس للأسف يوم ما رجعت المهجرين فى مدن القناة قالوا مصر خرجت من المعركة .

يوم ما فتحت قناة السويس قالوا مصر خرجت من المعركة .. يوم ما عملت اتفاق فض الاشتباك الاول وأنا جايب اللي زيه لسوريا قالوا مصر خرجت من المعركة .. يوم ما عملت فض الاشتباك الثانى قالوا مصر خرجت من المعركة .. لأ .. الاتفاق الثانى - باقولها بصراحة لاخونا حافظ الاسد - الاتفاق الثانى اتصار للامة العربية ولمصر .. ولكن جايز يكون هزيمة لحزب البعث .. ليه ؟ .. لانه يبص من منطلق حزبي فسبق انه عايز يكسب لسوريا دلوقتى أحسن من اللي تاخده مصر .. طيب ماهو جاي عليها الدور زى فض الاشتباك الاول .. لأ .. اذا كنا ننظر بمنظار حزبي ممكن يبقى نقول عليه انه يتاخذ بهذا المنظار . احنا ما بنشتغلش بمنظار حزبي ، احنا بنشتغل بمنظار قومى .. هذا الاتفاق نصر لمصر .. نصر للقومية .. نصر للقضية .. نصر لفلسطين حتى ولو ما كانوش مدركين هذا بكره يدركوه .. وبكره يعرفوه .

أنا طولت عليكم لكن أنا كان لازم أحكى لكم وأقول لكم اللي فى قلبى .

الخمس سنين اللي فاتت بقى كده ، تاخذ فكرة عن التسلسل اللي شرحته لكم ..

□ في وسط كل هذه المعاناة .. أصدرنا الدستور الدائم وأغلقنا المعتقلات والسجون كلها وإلى غير رجعة .

□ لهذا يحدث في مصر لأول مرة منذ ٤٠ عاما.

□ انتهت مراكز القوى إلى الأبد، وباد القاتلون وأصبح المواطن آمنا على يومه وغده .. آمنا على أهله وعرضه وماله .

□ هاربنا أمريكا وإسرائيل أمامنا .. وكان الاتحاد السوفييتي يطعننا من الظهر .

□ انتهت مؤامرة مركسة الميثاق وصدرت ورقة أكتوبر تصحيحا لوثائق الثورة .

□ واليوم في الذكرى الخامسة لعبد الناصر يتم الانسحاب الشافي لإسرائيل .

□ التعديلات التي أخذتها على الرئيس الأمريكي
هي ألا تعدي إسرائيل على سوريا .. وإتمام
فض الاشتباك ثان في سوريا .. وإحترام
الفلسطينيين في التسوية .

□ المسيرة تستمر بعد وفاة عبدالناصر على أكل
وأروع صورة ودراسة لكل المتغيرات .

□ يكفي أن شعبنا راحته منه نزع الحقد والكراهية

□ إن إنجازات السنوات الخمس الأخيرة ، هي ماحمة
رائعة من مدح تجربتنا النضالية التي
بدأناها في ٢٣ يوليو .

□ وضعنا المدح الكاملة لمجتمع جديد هو ابن
ثورة ٢٣ يوليو ، وابن ثورة ١٥ مايو ،
وابن معركة أكتوبر .

□ تحرير الأرض المصرية والعربية هو مسئوليتنا
الأولى والأساسية .



□□ في وسط كل هذه المعاناة .. عملنا الدستور الدائم .. بيان
٣٠ مارس اللى أنا قلت لكم لم ينفذ منه شيء .. كان يقول
الدستور الدائم بعد ازالة آثار العدوان .. لا .. في عام ٧١
عملنا الدستور الدائم .. قفلنا المعتقلات والسجون كلها والى
الابد منذ ٤٠ سنة ، أى من قبل الثورة .. أعدنا الحرية
والطمأنينة لكل مصرى .. الحرية النهاردة اتحققت على أرض
مصر .. عملنا معركة ٧٣ .. زحنا الكابوس اللى كان يتمثل في
الخبراء السوفيت هنا ، واللى كانوا يقولوا ان المعركة مستحيلة
وكاتين وماضيين ان الخسائر من ٤٠ الى ٦٠ ألف ، وكاتين
وماضيين لحسنى مبارك أن ضربة الطيران الاولى حتكون
خسارتها ٣٠٪ .. وتحقق أهداف ٣٠٪ ، قام ضربة الطيران
الاولى ما رحش فيها الا ٥ أو ٦ طيارات من ٢٢٢ طائرة بحقت
٩٩٪ نتائج .. ولى الشرف أن يكون أخويا أحد الخمسة
الاولى اللى ماتوا في حرب أكتوبر وفي أول ربع ساعة وهو طيار
.. في ضربة الطيران .. في وقت واحد بأواجه كل ده بالداخل

وفي الخارج زى ما جكيت لكم لكن تمت انجازات رهيبه .. انتهت مراكز القوى الى الابد .. الدستور الدائم .. سيادة القانون .. حرمة القضاء .. الامن .. الامن للمواطن على يومه وغده وأهله وولده وأحفاده وعرضه وماله . المعركة اللى أثبتنا فيها مش احنا بس ، وأثبتنا ذات العرب كلهم .. المعركة اللى أنا برضه بأعيد وأرجع تانى ولازم أقولها وما كنتش أحب أقولها .. لولا مصر ما كانتش هذه المعركة لانه لو قبلت العرض اللى جابوا الى الاتحاد السوفيتى من سوريا ثلاث مرات بوقف اطلاق النار لكان استخدم سلاح بترول ، ولا كان لحق العرب يعملوا حاجة .. ما قبلتش واستمرت ١٧ يوما .. من ثالث يوم كانت سوريا مكسورة .. مش بأعيب .. ما باقولش ده عيب على عهد .. ليه ؟ لان دى حرب بنكسر اللى قدمنا وتكسر .. ما فيهاش حاجة .. لكن أنا با أقرر حقائق ، ١٧ يوما منهم عشرة أيام وحدى أواجه الاثنين : اسرائيل والامريكان قدامى والاتحاد السوفيتى وراء ضهرى .. عملنا كثير .. عملنا ورقة أكتوبر . جت علشان الميثاق اللى أسىء تفسيره عن عمد .. اللى يلبسوا قميص عبد الناصر النهاردة وعازين يقلبوها ماركسية ويقلبوا الميثاق ماركسى زى ما كان أيام مراكز القوى .. انتهى الكلام ده كله .. بيان ٣٠ مارس الذى لم ينفذ ده اجراءات الاعتقال فيه كانت اتخط لها بس ضمانه انه يبقى فيه لجنة من اللجنة المركزية تراجع الاعتقال والقبض . النهاردة ورقة أكتوبر قالت الى الابد انتهت المعتقلات .. وحصلت الحرب ولم يعتقل مصرى واحد .. وأظن البلد النهاردة ولو ان احنا في حالة أحكام عرفية انما لا أظن ان واحد شاعر ان فيه أحكام عرفية في البلد

النهاردة .. اطلاقا .. استحملت ده كله من بعض الطلبة .. من الصحفيين .. فى وقت من الاوقات من المهنيين .. من العرب ؛ من عناصر كثيرة .. استحملت ده كله لكن كان الانجاز ضخيم فى الخمس سنين دول .. والنهاردة ، وفى الذكرى الخامسة لعيد الثامن يتم فض الاشتباك الثانى اللى بنحصل بيه على المرات وعلى يتروله سيئا بالكامل وهو ليس الا خطوة كما نص الاتفاق .. خطوة نحو الحل النهائى ولا يمثل كما هو منصوص عليه وبلاش التهريج وبلاش المزايدات واللى عايز يقرأ .. يفرا نص الاتفاق .. خطوة نحو الحل الشامل اللى كل الاطراف حتكون موجودة فيه بما فيها فلسطين ..

أنا ما أعلنتش عن التعهدات اللى خدتها على الرئيس الأمريكى .. لان قلت سيهم يهرجوا فى التهريج بتاعهم .. أنا واخذ تعهد على الرئيس الأمريكى ان اسرائيل لا تعتدى على سوريا .. وواخذ تعهد على الرئيس الأمريكى باتمام فض اشتباك على سوريا زى ما حصل فى فض الاشتباك الاول .. وواخذ تعهد باشتراك الفلسطينيين فى التسوية .. ان كان فيه حاجة سرية تبقى دى - با اللى سامعنى فى العالم العربى ويا حزب يا بعث يا سورى : ويا فلسطينيين - ان كان فيه بنود سرية أهه البنود السرية باحكيها .. ما حبتش أقولها وقتها لان أنا فى وسط الجو المحموم بتاع المزايدات والخيانات وتوزيع الخيانة ما حبتش أرد ومش ح أرد .. ومش مصر اللى ترد ..

برغم ده كله .. حصلت انجازات ضخمة ..

ورقة أكتوبر حطت استراتيجية لسنة ٢٠٠٠ لخمس وعشرين سنة جاية .. أعلن خط السير ده كله لا بد أنه يكون فضح اللى

يلبسوا قميص عبد الناصر .. النهاردة من الخارج ويهاجسونا .. اللي يلبسوه هنا فى الداخل علشان يحاولوا يعملوا من نفسهم كهنة لمعبد عبد الناصر اللي ما حدش يعرف تعاليمه الا هم .. أظن ده واضح قوى .. وخط السير واضح .. والمسيرة ماشية وبتتكمّل بعد ما سابها عبد الناصر على أروع صورة وبدراسة وبدقة لكل المتغيرات ، ويكفى .. يكفى ان النهاردة شعبنا راحت منه نزعّة الحقد والكراهية .. اللي اتربت في البلد من زمن طويل .. يكفى أن نزعّة الحقد راحت ومصر عادت عيلة واحدة .. يكفى أن المعتقلات والسجون اتقفلت كلها .. الى الابد .. يكفى أن سيادة القانون بتحكم .. ما فيش كبير، وصغير أمام القانون .. يكفى أن كل انسان مطمئن على نفسه .. يكفى ان حتى اللي بيعارضوا النهاردة ييقسّدروا يقعدوا ، ويعارضوا ويخطبوا .. وماحدش يروح يقبض عليهم .. يكفى الانجاز الضخم .. الافتتاح الاقتصادى .. الافتتاح الاقتصادى كنت عايز أكلّمكم عليه لكن فى مناسبة جاية ان شاء الله ساكلمكم .. انجاز رائع .

أيها الاخوة والاخوات .. ان الانجازات التى تمت خلال خمس سنوات أكثر من الاحصاء ، وكما قلت هى ملحة رائعة من ملاحم تجربتنا النضالية التى بدأناها يوم ٢٣ يوليو ، وجددناها وخرجنا بها من المحنة فى ١٥ مايو ثم فى ستة أكتوبر .. ومن ينظر الى انجازات هذه المرحلة فرادى قد يدهشه كثرتها وتنوعها وشمولها لكافة ميادين العمل الوطنى وساحاته ، ولكن الالم والاعمق من هذا التعدد .. ان ننظر اليها متكاملة .. أن نلاحظ الترابط العضوى بينها .. بين قرار الحرب مثلا من جهة ،

وخطة التعمير حتى سنة ٢٠٠٠ من جهة أخرى .. يشسوف
الترابط بين الاثنين .. بين قرار الانفتاح الاقتصادى من جهة،
وخطة تجديد وتطوير القطاع العام من جهة أخرى .. بين
اطلاق الحريات ، وبين تطوير الاتحاد الاشتراكى ، والبدء بتجربة
تعدد المنابر وتدعيم المؤسسات الدستورية فى البلاد .

ان من ينظر الى هذه المنجزات .. ليس فى عددها ، ولكن فى
شمولها وتكاملها سوف يجد اننا فى هذه السنوات الخمس قد
وضعنا الملامح الكاملة لمجتمع جديد .. هو ابن ثورة ٢٣ يوليو
وابن ثورة ١٥ مايو، وابن معركة أكتوبر ، وابن الفكر الثورى
الوطنى المدرك لمتطلبات العصر الحديث ومتغيراته .. ومع ذلك
.. فانتى أقول لكم : أيها الاخوة والاخوات .. ان ملامح هذا
المجتمع الجديد التى وضعنا أسسها لا تدعونا الى الراحة ، بل
تدعونا الى مزيد من المشقة والجهد والنضال .. فالارض
المصرية والعربية لم تتحرر كلها بعد .. وما زلنا نعتبر هذه
مسئوليتنا الاولى والاساسية ، والفرد المصرى لم يحصل بعد
على المستوى الذى نطمح اليه وتمناه . ان النظر الى انجازات
الامس قد يدعو الى الراحة .. فى حين ان النظر الى انجازات
الغد يدعو الى مزيد من الجهد والتعب .. ولكن واجبى فى
مركزى هذا أن أنظر دائما الى الامام ، وأن يشغلنى مستقبله
هذا الشعب الجديد .. المجيد ، وانتى أتمنى أن تنتشر بيننا فى
كل مواقعنا هذه الروح .. فلا نحارب معارك الامس ..
لا نحارب معارك الامس لا داخليا ولا عربيا . بل نשמع عن
سواعد الجد لنواجه معارك الغد .. فنحن فى عالم لا يرحم
القاعد . ولا المتباطىء ، ولا الذى يحاول أن يسير ووجهه الى

الوراء .. نحن يجب أن نفهم الماضي لكي نتعظ بتجاربه .. لا
لكي نرتبط بقيوده وسلاسله .. الشعب الاصيل هو الذي
يعتز بتراته وأصالته ، ولكنه يتخذ منها حافزا على التقدم ، ولا
يكتفى بها عذرا عن القعود ..

في هذه الذكرى ادعو الله سبحانه وتعالى الا تأتي الذكرى القادمة
الا ونكون قد حققنا المزيد من البناء ، وحققنا المزيد من الحب
والتراحم والود .. أدعو الله أن يوفقنا لكل هذا في الذكرى
القادمة .

« ربنا لا تزغ قلوبنا بعد اذ هديتنا وهب لنا من لدنك رحمة،
انك أنت الوهاب » .
والسلام عليكم ورحمة الله ..

